

毛詩正義卷第二十九

唐國子祭酒曲阜縣開國子臣孔

穎達等奉

勅撰定

正大雅

下武

文王有聲

生民

香山常任

下武六章章四句至功焉 正義曰經六章皆言武王益有明智配先人之道成其孝思繼嗣祖考之迹皆是繼文能昭先人之功焉經云三后在天王配於京則武王所繼自大王王季皆是矣而序獨云繼文者作者以周道積基故本之於三后言世有哲王見積德之深遠其實美武王能繼唯在文王也大王王季雖脩德創業為後世所因而未有天命非開基之主不足使武王聖人繼之又此篇在文王詩後故特言繼文著其功之大且見篇之次也文王已受天命故言復受為亞前之辭武王之受天命白魚入舟是也傳武繼 正義曰釋詁文 箋下猶至就盛 正義曰居下世即

是在後故云下酉後也哲智釋言文言後人能繼祖者維周家

大謂大王王季又王稍稍就盛者也王季爲西伯文王又受命
稍盛也不通數武王者此言哲王即是下文三后王配之文別在
於下故知世有之中不兼武王也 箋此三后至鎬京 正義曰
曲禮下云天子崩告喪曰天王登遐注云登上也遐已也上已者
若僊去云耳以三后皆號爲王故以天子之禮言之武王居鎬故
知配行其道於京謂鎬京也 箋作爲至大功 正義曰作爲釋
言文求終釋詁文世積厚德是當王天下文王未及誅紂即是王
事未終武王乃終之故云終成其大功 箋命猶至不立 正義曰
此承王配于京是配三后不配天故以命爲教令此篇是武王之
詩於此獨云此爲武王言者餘文是作者以己之心論武王之事
此則稱武王口自所言故辨之也又解欲成王道所爲多矣獨以
信爲言者由王德之道成於信欲使民信王道然後天下順從必
伐紂功成然始得耳以民無信不立故引論語以證之 媚茲至
嗣服 正義曰旣言武王能法則三后之道故於此歎而美之可
愛乎此一人之武王所以可愛者以其能當此維順之德祖考欲

愛乎此一人之武王所以可愛者以其能當此維順之德祖考欲

定天下武王能順而定之是能當順德又述武王所言而歎美之
武王自言長我孝心之所思者此事顯明哉武王實能嗣行祖考
之事伐紂定天下是能嗣祖考也 傳一人至侯維 正義曰曲
禮下云天子自稱曰予一人言其天下之貴唯一人而已謂天子
爲一人應當釋詁文又云維侯也是侯得爲維也 箋可愛至高
大 正義曰序言繼文此云順德故知是順其先人之心成其祖
考之德所引易者升卦象辭升卦巽下坤上故言木生地中木漸
而順長以成樹猶人順德以成功彼謂一人之身積漸以成此則
順父祖而成事亦相類故引以爲證定本作慎德準約此詩上下
及易宜爲順字又集注亦作順疑定本誤 箋服事至天下
正義曰服事釋詁文禮記大傳曰牧之野武王之大事故知嗣行
祖考之事唯謂伐紂定天下也上言永言配命永言孝思其下句
云成王之孚孝思維則亦是武王自言此云昭哉嗣服是作者美
武王之辭所以亦與孝思相連者上云永言孝思是武王自言此
又述武王之言歎而美之并此孝思之句亦非武王自言得與

昭相連也

昭茲王之祐

正義曰既言武王能嗣行社事又

其爲民所樂仰言武王能明此勤行進於善道戒慎其祖考所行之迹而踐行之猶行善不倦故爲天下樂仰皆欲令武王得於萬年之壽且又多受天之福祿言武王行善之故爲民愛之如此

傳許進至武迹

正義曰以禮法既許而後得進故以許爲進繩

戒武迹皆釋訓文

箋茲此至成之

正義曰茲此來勤皆釋詁

文戒慎祖考踐履之迹謂謹慎奉行故美其終成之

箋祐福至之

言

正義曰祐福釋詁文以萬年受福是祝慶之辭故知武王爲

天下所樂仰此是欲其得福之言也

受天至有佐

毛以爲民

欲王受福即實言其受福之事武王既受得天之祐福故四方諸

侯之國皆貢獻慶之又得於此萬年之壽豈不遠有佐助之乎言

有遠方夷狄來佐助之也此乘上章之文故先言所受天之祐因

則爲遠近之次故先言四方後言遠夷四方謂中國諸侯也

鄭唯以下句爲異言武王得於此萬年之壽不遠其有輔佐之

臣言王親近其臣與之同福

傳遠夷來佐

正義曰言不遠有

佐是遠有佐遠人佐天子唯夷狄耳故知遠夷來佐之書叙言武王既勝殷西旅獻獒巢伯來朝魯語曰武王克商遂通道於九夷八蠻肅慎來賀是遠夷來佐之事不遐有佐爲遠夷則四方來賀爲諸夏民勞傳曰四方諸夏是也 箋武王至福祿 正義曰箋以不遐有佐順文自通不當反其言故易之武王既有萬年之壽不遠有輔佐之臣共蒙其福其封爲諸侯則與周外降其仕於王朝則繼世在位是其不與遠之引書曰公其以予萬億年者洛誥文成王告周公言公與我身皆得萬億之年既引其文乃申其意言彼亦君臣同福祿故知此亦武王君臣同受福矣 文王有聲八章章五句至伐功 正義曰經八章上四章言文王之事下四章言武王繼之是繼伐首章言文王有聲武王則道廣於文王是能廣文王令聞之聲二章言文王伐崇武王則伐紂以定天下是卒其伐功經雖無武王廣聲卒伐之事於理則有故序言之以轉互相明也上四章言文王有令聞之聲成民之德作豐邑以追孝心同四方而正之 箋所爲不止於伐崇也下四章言武王君天下

服四方定鎬京而成卜兆傳善諱以安後世所爲不止於伐紂唯以繼伐言之者以其所施之事皆伐之功故言繼伐以揔之此篇八章其末俱言烝哉而四章言文武之謚四章言王后皇王作者變其文見其事有異上四章雖同是文王之事而首章二章言文王今聞成民受命伐罪是文王事之盛者故舉其義謚而稱文王三章言築城大小之事述其所徙之言四章言作豐以主四方施化而爲法度比之前事爲不盛故不舉其謚而變言王后下四章雖同是武王之事五章六章言武王伐紂作邑定居四方歸服於武王之事爲不盛故不舉義謚比文王之事則益大故變言皇王七章言考卜而後居鎬京伐紂以成其占八章言重功業以爲大事傳順謀以安孫子除虐去殘詒訓後世是武王之事盛者故又舉其義謚而言武王文王之事則盛者居前不盛次之武王之事則不盛在先者見武王不盛之事盛於文王之盛者作者比其事之大小而爲之章次也 文王至烝哉 正義曰此文王乃有令聞之善聲所以有之者以文王從後仰而述行廣大其大王王季

聞之善聲所以有之者以文王從後仰而述行廣大其大王王季

所有令聞之善聲所廣大者謂文王又述行終其大王王季安民之道又述行多其大王王季成民之德以此益盛而大有聲也此文王之德信得人君之道哉 箋通述至益盛 正義曰通述釋言文駿大求終觀多釋詁文孔子間居曰三代之王必先其令聞言有善事可以聞於外是爲有聲矣故爲有聲是令聞之聲言述行者是述先聞之辭故知謂述大王王季也聲聞則長之使大令爲己有故云通駿有聲其安民成民則大王王季有此行但其事未終未多今文王則終之多之皆述行其道而增廣之耳 傳丞君正義曰釋詁文 箋武功至天命 正義曰經別言既伐於崇則武功之言非獨伐崇而已受命之後所伐邠耆密須混夷之屬皆是也故云武功謂伐四國及崇之功也武功之中既兼伐崇而別言既伐於崇者以其功最大其伐最後故特言之爲作邑張本言功成乃作都也言應天命者天既命爲天子當立天子之居故言徙都於豐以應天命或以爲於豐得命故徙豐應之然則武王於盟津得命不可徙都入河乃遷都於鎬非得命之地矣 築城至

烝哉 正義曰上言作邑于豐此述作豐之制言文王興築豐邑之城維如一成之減減內之地其方十里文王作此豐邑維與相匹言大小正與成減相配偶是大於諸侯小於天子之制所以纔得伐崇即作此邑者非以急從己之欲而廣此都邑乃述追王季勤孝之行思進其業故耳此王之爲人后也誠得人君之道哉傳曰減成溝 正義曰冬官匠人云井間有溝成間有減溝是摠名故云減成溝謂十里成間所有溝減洫音同 箋方十里至其業正義曰申傳減爲成溝之義故云方十里曰成減其溝也言每方十里之也其外有此溝謂之爲減此減廣八尺深八尺匠人云方十里爲成成間廣八尺深八尺謂之洫是其事也棘急釋言文禮記引此詩作匪革其猶革亦急也文王旣已受命當爲天子其意以紂尚在猶不敢自足故築此豐邑之城大小適與賦法十里之成相匹偶是大於諸侯小於天子之制不以急從己之欲欲得廣此都邑乃述追王季勤孝之行以王季勤孝欲早成周道故已早建都邑以進其功業文王所述述大王以來此止言王季者以大

建都邑以進其功業文王所述述大王以來此止言王季者以大

王始有王迹勤行其道大王以前未有王迹不得言大王勤孝欲成父功故所追勤孝唯王季也春官典命云上公九命侯伯七命子男五命其國家宮室皆以命數爲節注云國家之所居謂城方也公之城蓋方九里侯伯之城蓋方七里子男之城蓋方五里坊記注云子男之城方五里此二注皆以公城方九里爲差則天子之城十二里矣故此十里爲小於天子也異義駁云鄭伯之城方五里又以侯伯爲五里者鄭兩解故書傳云古者百里之國九里之城七十里之國五里之城五十里之國三里之城注云玄或疑焉周禮匠人營國方九里謂天子之城今大國九里則與之同然則大國七里之城次國五里之城小國三里之城爲近耳或者天子實十二里之城諸侯大國九里次國七里小國五里是鄭兩解之事也以匠人典命俱是正文故不執定典命注每言蓋匠人注云立王國若邦國者皆爲疑辭以見二塗之意也傳后君

正義曰釋詁文箋以作文有體章類宜同今半謚半否故知變之有義以相比校無謚之章其事皆劣故言非其盛事不以義謚謂

不以義理而言其謚也謚者行之成名揔一身之美故事盛者稱之
之不盛者變名耳 王公至烝哉 正義曰旣言築作豐城故又
本之前世言此王述先王之業其事維益大矣即言大之狀維在
豐城之內更築而垣牆之以立宮室而居焉乃爲天下四方之民
所共同心而歸之其王君文王維乃爲之楨幹謂爲施法度以行
之是王后誠得人君之道哉 傳濯大翰幹 正義曰皆釋詁文
箋文王至法度 正義曰言王事伊大則從小至大非文王之事
自爲大也上言適追來孝此承其下故知是述大王王季之業其
事益大上言築城作豐此言維豐之垣明是豐城之內別起垣也
故云作邑於豐城之旣成又垣之立宮室謂立天子之宮室宮室
旣定萬姓知有所歸故爲天下所同心而歸之幹者築牆所立之
木幹與牆爲法故爲之幹者正其政教定其法度 豐水至烝哉
正義曰上旣言文王之事故武王繼之今豐水之得東流注渭入
河者是禹之功業言禹決治之其傍得成平地也今文王得作邑
於傍武王旣成鎬京故爲天下四方所共同心歸之文王武王維

於僂武王既成鎬京故爲天下四方所共同心歸之文王武王維

於是爲之君而施化焉此大王誠得人君之道哉 傳績業皇大
正義曰績業釋詁文又云皇君君亦大之義故爲大 箋績功至
之東 正義曰績功辟君亦釋詁文也功業大同耳據其力之所
成則謂之功言其澤及於後則謂之業昭元年左傳劉定公見雒
汭之水曰美哉禹之功也此亦見豐水而思禹故易傳以績爲功
堯典曰湯湯洪水是堯時洪水此言豐水東注由禹之功故知豐
水亦汎濫爲害禹治之也汎濫謂汎長濫洑平地有水也禹貢曰
導渭自鳥鼠同穴東會于豐入于河是豐水入渭東注於河此章
武王之事而并言文王作邑於其僂者以二邑皆在豐僂舉豐而
言可以兼及文王故連言之帝王世紀云豐鎬皆在長安之西南
言豐邑在豐水之西鎬京在豐水之東以時驗而知之 箋變王
至益大 正義曰此與下章俱言皇王而下有鎬京之事知此皇
王爲武王也同不言謚而王后與皇王異文既人異而辭變故知
爲武王之事又益大也此與上章皆言四方攸同而言益大者作
者以文王亦稱王故亦以四方言之其實同歸之者少於武王也

箋自由至服者

正義曰釋詁云由自也故自得爲由也旣言辟

靡即云四方皆服明由在辟靡行禮見其行禮感其德化故無不歸服也辟靡之禮謂養老以教孝悌也

考卜至烝哉

正義曰

言稽考其疑契龜而卜之者維武王所疑而卜者其宅居於是鎬京之地維此所契之龜則出其吉兆以正定之言居此必吉故得天下武王則能成之伐紂以定天下成此龜兆之占是功之大美者此武王誠得人君之道哉

箋考猶至於此

正義曰以洪範有

稽疑之言故云考猶稽也宅居釋言文以稽疑之法必契灼其龜而卜之正謂得吉兆龜正定其吉云此地可居卜兆言吉居之而得天下是成龜兆之占伐去虐紂身即王位功無大於此者伐紂爲成龜兆之占定本集注皆云功莫大是也義亦得通禮記引此詩彼注云武王築而成之與此異者引詩斷章多異於本此顧上下之文言武王烝哉是武王之盛事不宜直言其築作而已故以伐紂爲成之

豐水至烝哉

正義曰言豐水之傍有芑菜豐水

是無情之物猶以潤澤生芑菜爲己事況武王豈不以功業爲事

是無情之物猶以潤澤生芑菜爲己事況武王豈不以功業爲事

乎言實以功業爲事思得澤及後人故遺傳其所以順天下之謀以安斁事之子孫言武王能德順天下功被來世後人斁其事者則得行之乃安是武王之道令得長世武王誠得爲人君之道哉傳燕安翼斁正義曰燕禮所以安賓故燕爲安也翼斁釋詁文箋詒猶至棄基正義曰詒訓遺即流傳之義故詒猶傳也傳其順天下之謀者謂聖人所謀之事行之則必順天下之心安其斁事之子孫言子孫斁事能遵用其道則得安也必言斁事者若子孫不斁則不能行之不能行則不得安故安斁並言之引書曰者大誥文彼上文以堂屋耕播爲喻言父爲之於前子不循於後其父則嫌責之此假言其父之辭彼注云其父斁職之人其肯曰我有後子孫不廢棄我基業乎引此明後人須因前基故云傳謀以安彼後證翼爲斁彼言父斁此言子孫明斁事者乃能不棄基故引而反以相明生民八章首章十句二章三章八句四章五章十句六章八句七章十句卒章八句至配天焉正義曰作生民詩者言尊祖也序又言尊祖之意以后稷生於姜嫄而來其文王

受命武王除亂以定天下之功其非本起由於后稷及周公成王致太平制禮以王功起於后稷故推舉之以配天謂配夏正郊天焉祭天而以祖配祭者天無形象惟人道以事之當得人爲之主禮記稱萬物本於天人本於祖俱爲其本可以相配是故王者皆以祖配天是同祖於天故爲尊也祖之定名父之父耳但祖者始也己所從始也自父之父以上皆得稱焉此后稷之於成王乃十七世祖也不言姜嫄生后稷者經稱厥初生民時維姜嫄是據后稷本之姜嫄故序亦順經而爲文也言文武之功起於后稷者周語云后稷勤周十五世而興是后稷勤行功業爲周室開基也中候稷起注云堯受河圖洛書后稷有名錄苗裔當王是后稷子孫當王名見圖書也文旣因之武亦因之故并言文武之功起於后稷也經八章上三章言后稷生之所由顯異之事是后稷生於姜嫄也下五章言后稷長而有功見其得以配天之意其言推以配天結上尊祖之言於經無所當也 厥初至后稷 毛以爲本其初生此民者誰生之乎是維姜嫄言有女姓姜名嫄生此民也旣

初生此日者言生之乎是維姜嫄言有女嫄名嫄生此民也

言姜嫄生民又問民生之狀言姜嫄之生此民如之何以得生之乎乃由姜嫄能禋祈能恭祀於郊禩之神以除去無子之疾故生之也禋祀郊禩之時其夫高辛氏帝率與俱行姜嫄隨帝之後踐履帝迹行事而敢疾故爲神歆饗神既饗其祭則愛而祐之於是爲天神所美大爲福祿所依止即得懷任則震動而有身祭則蒙祐獲福之夙早終人道則生之既生之則長養之及成人有德爲舜所舉用掌種百穀以利益下民維爲后稷矣本其初生故謂之生民民則人所不識后稷是顯見之號故言是維后稷以結之鄭唯履帝以下三句爲異其首尾則同言當祀郊禩之時則有上帝大神之迹姜嫄因祭見之遂履此帝迹拇指之處而足不能滿時即心體歆歆然如有物所在身之左右所止住於身中如有人道精氣之感已者也於是則震動而有身則肅戒不復御餘同傳生民至帝焉正義曰此章首言生民末云后稷故知生民即后稷也后稷而謂之民者本其初生而未有貴位生與民同以民言之故云生民本后稷也晉語云黃帝以姬水成炎帝以姜水成

成而異德故黃帝爲姬炎帝爲姜是姜者炎帝之姓故云姜姓也
言后稷之母配高辛氏帝謂爲帝嚳之妃與嚳相配而生此
后稷故也大戴禮帝繫篇云帝嚳卜其四妃之子皆有天下上妃有郤
氏之女曰姜嫄而生后稷次妃有娥氏之女曰簡狄而生契次陳
鋒氏之女曰慶都生帝堯下妃姬訾之女曰常儀生摯以堯與契
俱爲嚳子家語世本其文亦然故毛爲此傳及玄鳥之傳司馬遷
爲五帝本紀皆依用焉其後劉歆班固賈逵馬融服虔王肅皇甫
謐等皆以爲然然則堯爲聖君契爲賢弟在位七十載而不能
用必待舜乃舉之者聖人顯仁藏用匿迹隱端雖則自知故不
委任待衆舉而後用見取人之大法耳若稷契堯之親弟當
生在堯立之前比至堯崩百餘歲矣堯崩之後仍爲舜所勅用者
以其並是上智壽或過人不可以凡人從齡而怪彼永命也若
稷契即是嚳子則未嘗隔世左傳之說八元云世濟其美者正
以能承父業即稱爲世不要歷數世也其緯候之書及春秋命
歷序言五帝傳世

稱為世不要歷數世也其緯候之書及春秋命歷序言五帝傳世

之事為毛說者皆所不信 箋厥其至生民 正義曰厥其釋言
文初始釋詁文周始祖后稷也周以后稷為始祖文王為太祖雍
禘太祖謂文王也后稷以初始感生謂之始祖又以祖之尊大亦
謂之太祖周語曰我太祖后稷之所經緯是也若文王以受命之大唯得
稱太祖不得言始祖也箋必名此經之民為始祖者以人之為人皆有始
生之時如此詩言初生欲明自此已前未有周家種類周之上元
始生於此故言周之始祖解其言厥初之意也以炎帝姓姜故知
姜嫫是炎帝之後姓姜而以嫫配之故知有女名嫫婦人不以名
行此嫫或當是字但五帝時質未必有名字之別故以名言之鄭
信讖緯以命歷序云少昊傳八世顓頊傳九世帝嚳傳十世則堯
非嚳子稷年又小於堯則姜嫫不得為帝嚳之妃故云當堯之時
為高辛氏之世妃謂為其後世子孫之妃也人世短長無定於是
時書又散亡未知其為幾世故直以世言之其大戴禮史記諸書
皆鄭所不信張融云稷契年稚於堯堯不與嚳並處帝位則稷契
焉得為嚳子乎若使稷契必嚳子如史記是堯之兄弟也堯有賢

第七十不用須舜舉之此不然明矣詩之雅頌姜嫄履迹而生爲周始祖有娥以玄鳥生商而契爲玄王即如毛傳史記之說譽爲稷契之父帝嚳聖夫姜嫄正妃配合生子人之常道則詩何故但歎其母不美其父而云赫赫姜嫄其德不回上帝是依是生后稷周魯何殊特立姜嫄之廟乎融之此言蓋得鄭旨但以姜嫄爲世妃則於左傳世濟之文復協以易傳不以爲高辛之妃也傳稷敬至之前正義曰釋詁云稷祭也則稷是祭之名又云稷敬也義得相通且祭必致敬故以稷爲敬也大宗伯云稷祀昊天上帝注云稷之言煙周人尚臭煙氣之臭聞者也則鄭以稷者唯祭天之名故書稱稷于六宗鄭皆以爲天神經傳之中亦非祭天而稱稷祀者諸儒遂以稷爲祭之通名王肅云外傳曰精意以享曰稷稷非燔燎之謂也袁準曰稷者煙氣煙炷也天之體遠不可得就聖人思盡其心而不知所由故因煙氣之上以致其誠故外傳曰精意以享稷此之謂也準又稱難者曰稷于文王何也曰夫名有轉相因者周禮云稷祀上帝辨其本言煙炷之禮也書曰稷于文

轉相因者周禮云禋祀上帝辨其本言煙燭之禮也書曰禋于文

武者取其辨精意以享也先儒云凡絜祀曰禋若絜祀為禋不宜別六宗與山川也凡祭祝無不絜而不可謂皆精然則精意以享宜施燔燎精誠以假煙氣之升以達其誠故也竊以準言為然鄭於尚書以文武於明堂配五帝故亦以稱禋是禋名唯施於祭天也傳於此下即說郊禋之祀郊必祭天則毛亦以此禋為祭天其餘書傳言禋者則未知毛意與誰同也弗訓為去心所不欲即當去之故以弗為去謂去無子以求有子也經言禋祀未知所祀之神故云古者必立郊禋焉言此祀祀郊禋也知者以婦人無外事不因求子之祭無有出國之理又禋祀以求子唯禋為然故知禋祀是祀禋也既言所祀之神因言其祭之禮自玄鳥至之日以下皆月令文所異者唯彼郊作高耳玄鳥燕也燕至在春分二月之中燕以此時感陽氣來集人堂宇其來主為產乳蕃滋故王者重其初至之日用牛羊豕之太牢祀於郊禋之神蓋祭天而以先禋者配之變媒言禋者神之也其祭之時天子親自身往蒞其事故親祭之於時后妃率九嬪從之而往侍御於祭焉天子內官有后也

夫人也嬪也世婦也女御也而獨言九嬪者以后是內官之主須
后妃率之五等則九嬪居中舉中而言明百二十人皆往也未有
孕而往者求其早有孕也內官百二十人周之制也高辛之時未
有此數因禮之成文而引之耳於祀之時乃以醴酒禮天子所御
謂已被幸有娠者也使太祝酌酒飲之於郊禘之庭以神之惠光
顯之也既飲之酒又帶以弓之韠衣授以弓矢使執之於郊禘之
前弓矢者男子之事使之帶弓衣執弓矢異其所生爲男也鄭於
月令之注其意則然唯高禘異耳故鄭注云高辛氏之世玄鳥遺
卵邠簡狄吞之而生契後王以爲媒官嘉祥而立其祀焉以爲由
高辛有嘉祥故稱高禘蔡邕月令章句云高禘祀名高猶尊也禘
猶媒也吉事先見之象蓋謂之人先毛於此及玄鳥傳皆依作郊禘
則讀高爲郊下傳云從於帝而見於天則此祭爲祭天不祭人先
也於郊故謂之郊不由高辛亦不以高爲尊也郊天用特牲而此
祭天用太牢者以兼祭先禘之神異於常郊故也鄭於此箋亦云
禘祀上帝於郊禘則后稷未生之前已有郊禘之祀矣而月令注

禋祀上帝於郊禋則后稷未生之前已有郊禋之祀矣而月令注

以爲

角狄吞鴈卵生契後王以爲嘉祥而立其祀又以契之後王

始立此祀二義不同者鄭記王權有此問焦喬荅云先契之時必自有禋氏被除之祀位在南郊蓋以玄鳥至之日祀之矣然得禋祀乃於上帝也娥簡吞鴈有子之後後王以爲媒官嘉祥祀之以配帝謂之高禋毛傳亦云郊禋者以古自有於郊克禋之義又據禮之成文耳祀天而以先禋配之義如后土祀以爲社此是鄭冲弟子爲說以申鄭義其意言高辛已前祭天於郊亦以先禋配之謂之郊禋至高辛之世以有吞鴈之事以爲禋之嘉祥又以高辛之世禋配此祭故改之而爲高禋故此箋從傳爲郊祀禮解其高義後王以爲媒官嘉祥而立其祀謂立禋以配郊非謂立郊求子始於後王鄭意或當然也如此爲說可得合詩禮二注耳然禮注爲高辛之世者謂高辛之後世子孫猶號高辛其時簡狄吞鴈卵生契如此得與稷同時爲堯臣耳 箋克能至之禮 正義曰克能釋言文釋詁云被福也孫炎曰被除之福周語云被除其心女巫云被除釁浴左傳被社釁鼓檀弓云巫先被極皆被除凶惡義取

袂去故云弗之言袂也禋祀上帝於郊禘袂除其無子之疾以得其福雖解弗字爲異與傳去無子之意亦同也非天子不得祭天此姜嫄是爲高辛氏後世之妃則其夫不爲天子所以得祈郊禘祭天神故解之云二王之後得用天子之禮故也王者存先代所以通天三統使得行其正朔用天子之禮故禮運曰杞之郊也禹宋之郊也契是二王之後得祭天也下言后稷功成乃封之於郃則此時必有國矣未知其國之名所在之地耳 傳履踐至利民

正義曰諸書傳言姜嫄履大迹生稷簡狄吞鵲卵生契者此毛所不信故以帝爲高辛氏帝蓋以二章卒章皆言上帝此獨言帝不言上故以爲高辛氏帝也釋訓云履帝武敏武迹也敏拇也傳旣依爾雅以武爲迹而不以敏爲拇者毛意蓋謂爾雅不可盡從故也心識速疾謂之敏故訓敏爲疾又解姜嫄得踐帝迹所由以高辛之帝親行禋祀姜嫄從於帝而往見於天故行在後而踐帝之迹從帝見天即上傳所云后妃率九嬪御是也踐迹者直謂隨後行耳非必以足躡其踐地之處也將事齊敏者將行也謂行祀

行耳非必以足躡其踐地之處也將事齊敏者將行也謂行祀

天之事齊敬而速疾也鬼神食氣謂之歆故以歆爲鄉食謂祭而神鄉食之也介大釋詁文福祿所止謂止於姜嫄使之早有子也震動夙早育長皆釋詁文動謂懷任而身動也昭元年左傳曰邑姜夢震大叔哀元年左傳曰后緡方震皆謂有身爲震也早者言其得福之早得福乃有身早文應在震上今在下者見有身而始知得福故先震後夙且以爲韻故姜嫄之配高辛亦應久矣未必生稷之歲始來配之若前已禋祀此年始震則是得福晚矣而言早者作者因事而言以祈即有子故繼祈爲早耳又解此人其名曰棄所以謂之后稷者以其身爲稷官播種百穀以利民故以后稷稱之周本紀云堯舉棄爲農師天下得其利堯典云帝曰棄黎民阻飢汝后稷播時百穀是其利民之事也 箋帝上帝至后稷 正義曰鄭以此及玄鳥是說稷以迹生契以卵生之經文也河圖曰姜嫄履大人迹生后稷中候稷起云蒼耀稷生感迹昌契握云玄鳥翔水遺卵流蜮簡吞之生契封商苗興云契之卵生稷之迹乳史記周本記云姜嫄出野見巨人迹心忻然悅欲踐之踐之而身動如孕者及暮而生棄躬

本紀云簡狄行浴見玄鳥墮其卵簡狄取吞之因孕生契是稷以
迹生契以卵生之說也又閼宮云赫赫姜嫄其德不回上帝是依言
上帝依姜嫄以生后稷故以帝為上帝且鄭以姜嫄非高辛之妃自
然不得以帝為高辛帝矣此上帝即蒼帝靈威仰也長發箋云帝
黑帝此不言蒼帝者彼以下有玄王故言黑帝此下有上帝故言上
帝各隨經勢而為文也爾雅引此釋之而以敏為拇指故依用之云敏
拇也孫炎云拇迹大指處也釋詁云介右也郭璞曰相佑助也孫炎曰
介者相助之義如人之左右手故以介為左右也傳以夙為早震後言早
於事不次故轉之云夙之言肅自肅戒也以緯候及史記諸文故知祀郊禘
之時則有大神之迹姜嫄履之也履神之迹直言武足矣而復言拇是
先履其跟之迹又移足以就拇既言大迹明不能滿故云足不能滿履其拇
指之處履拇之下而即言歆故知體歆歆然意動之狀也左右所止在如
有人道感己者謂如人夫妻交接之道檀弓曰寡婦不夜哭注云嫌思人
道亦謂此也於是遂有身肅戒不復御解載震載夙也大明曰天任
有身是謂震為有身靜女傳曰生子月辰以金環退之婦人有娠則禮

有身是謂震爲有身靜女傳曰生子月辰以金環退之婦人有娠則禮

當不御故所以自肅戒也後則生子而長養之解載生載育也周
本紀云棄之隘巷寒冰後收養之初欲棄之因名曰棄堯典云帝曰棄
是名之曰棄文十八年左傳曰高辛氏有才子八人堯不能舉舜禹堯而
舉之使布五教於四方堯典注云舉八元使布五教契在八元中稷亦高
辛氏之後自然在八元中故知舜禹堯而舉之堯典注又云堯初天官
爲稷舜登用之年舉棄爲之故云是爲后稷鄭志趙商問此箋云帝
上帝又云當堯之時姜嫄爲高辛氏世妃意以爲非帝嚳之妃史記
嚳以姜嫄爲妃是生后稷明文皎然又毛亦云高辛氏帝苟信先籍未
覺其偏隱是以敢問易毛之義荅曰即姜嫄誠帝嚳之妃履大人之
迹而歆歆然非眞意矣乃有神氣故意歆歆然天下之事以前驗
後其不合者何可悉信是故悉信亦非不信亦非稷稚於堯堯見爲
天子高辛與堯並在天子位乎是箋易傳之意也 誕彌至生子
毛以爲上言得福有子此言其生之易言可美大矣姜嫄之孕后稷
終其孕之月而生之婦人之生首子其產多難此稷雖是最先生
者其生之易如逢之生然羊子以生之易故比之也其生之時不坼剖

不塌裂其母故其母無災殃無患害以此故可美大也天既祐令有身又使之生易是天意以此顯明其有神靈也上天之意豈不降福而安之乎言上天誠降福而安之使母之無病苦子得易生是天安之也姜嫄之身豈不見安於裡祀乎言姜嫄實見安於裡祀祈則有子生之又易是爲裡祀所安也由爲裡祀所安故得居處怡然無病而生子也

鄭唯下四句爲異言姜嫄履迹有身其生又易以此赫然顯著之徵其有神靈審也此乃上帝精氣姜嫄心不自安以天人道隔而人生天胤故心不自安也非徒生天之胤心不自安又不安其徒裡祀神明無人道交接居處默然而生此子以無夫而生又懼時人不信當棄而異之使人知其異故下所以棄之也 傳誕大至生者 正義曰誕大釋詁文彌終釋

言文逢生者言其生易如逢羊之生但傳文略耳非訓逢爲生也又解言先生之意以人之產子先生者多難此後稷是姜嫄之子最先生者應難而今易故言先生以美之此主言后稷是姜嫄首子而已后稷有同母弟妹以否書傳亦無文焉 箋逢羊至言易 正義曰說文云逢小羊也從羊大聲薛綜答韋昭曰羊子初生逢小名羔未成羊曰羴大曰羴

也從羊大聲薛瑄答章昭曰羊子初生逢小名羔未成羊曰羴大曰羴

長幼之異名以羊子初生之易故以比后稷生之易也大戴禮及春秋元命包皆云人十月而生周本紀云姜嫄踐巨人迹身動如孕者及朞而生子則終一年矣此言終月必終人之常月馬遷之言未可信也 傳言易至人道 正義曰經之所言皆說其生之易故云言易也以摠解一經又解易生所以爲美者以凡常之人在母腹則病其生則又圻塉災害其母以橫逆人道今后稷之生能無圻塉災害故美之也晉語云文王在母不憂是謂未生爲在母圻塉皆裂也禮記曰爲天子削爪者塉之是塉爲裂也圻塉災害其母皆謂當產之時闕官云無災無害彌月不遲亦謂生時無災害故彼箋引此解之明其同也然則此經止言生易不言在母病傳言凡人在母母則病者因其生之易從在母而本之見凡人之生不如后稷所以爲美耳橫逆人道謂不由人所生之道也史記楚世家云陸終娶於鬼方氏曰女潰孕三年不乳乃剖其左脇獲三人焉剖其右脇獲三人焉帝王世紀云簡狄剖背生契如此之類是橫逆人道也若然契亦大賢剖背而出則圻塉災害不爲惡

矣此美其無災害者人之賢愚不由母生之難易要人情皆欲其易不欲其難因見稷之生由言之以爲美耳晉語曰大任震文王不變少洩於豕牢而得文王不加病焉亦美文王生易與此同矣此言橫逆入道謂人所生之道上箋云終人道者謂人在母腹之道如有人道感已者謂人交接之道人道之言雖同三者皆小別耳傳赫顯至康也正義曰以赫是明貌故爲顯也天實降福以安后稷姜嫄實爲因禋祀所安而經乃言不寧不康故皆反其言也王肅云天以是顯著后稷之神靈降福而安之言姜嫄可謂禋祀所安無疾而生子箋康寧至不信正義曰康寧皆安釋詁文箋以此章上四句言后稷之生下章言其棄之此經四句文在既生之後棄之上則是說其棄子之意爲下章張本故易傳也履大迹而有身不由夫而生子是有顯著之徵也既見如此徵驗知其實有神靈故云姜嫄以赫然顯著之徵其有神靈審矣言姜嫄自知此子審是神靈所生也又解上帝不寧之意祀天而見大人迹履之如有感已此感之者乃是天帝之氣人不當共天交接

人迹履之如有感已此感之者乃是天帝之氣人不當共天交接

今乃與天生子子雖生訖其心猶不安之上帝不寧者爲生天之胤故不安也不康禋祀者懼時人不信故不安也以此故再言不安徒禋祀而無人道空祀神明而無人道交接故居位默然而得生子懼時人不信其然或得疑其犯禮奸淫而有此胤以此又復不安姜嫄既有此事不安欲望衆信故棄之以顯其異使衆人知之也異義詩齊魯韓春秋公羊說聖人皆無父感天而生左氏說聖人皆有父謹案堯典以親九族即堯母慶都感赤龍而生堯舜安得九族而親之禮議云唐五廟知不感天而生玄之聞也諸言感生得無父有父則不感生此皆偏見之說也商頌曰天命玄鳥降而生商謂娥簡吞鳧子生契是聖人感生見於經之明文劉媪是漢太上皇之妻感赤龍而生高祖是非有父感神而生者也且夫蒲盧之氣嫗煦桑蟲成爲己子況乎天氣因人之精就而神之反不使子賢聖乎是則然矣又何多怪如鄭此言天氣因人之精使之賢聖則天氣不獨生人此姜嫄得無人道而生子者言非一端也彼以古今異說言感生則不得有父有父則不得感生偏執一見理

未弘通故鄭引蒲盧爲喻以證有父得感生耳不言感生必由父也所引吞鴈生契即是不由父矣又何怪於后稷也稷契等雖感天氣母實有夫則亦爲有父繼父爲親故稱帝嚳之胄唐堯之親九族立五廟亦猶此也稷契俱是感生棄稷不棄契者人之意異耳或者簡狄雖則吞鴈仍御於夫其心自安故不棄之耳馬融之說此詩則異於是矣故云仍御於夫王肅引馬融曰帝嚳有四妃上妃姜嫄生后稷次妃簡狄生契次妃陳鋒生帝堯次妃嫫母生帝摯執手最長次堯次契下妃三人皆已生子上妃姜嫄未有子故禋祀求子上帝大安其祭祀而與之子任身之月帝嚳崩摯即位而崩帝堯即位帝嚳崩後十月而后稷生蓋遺腹子也雖爲天所安然寡居而生子爲衆所疑不可申說姜嫄知后稷之神奇必不可害故欲棄之以著其神因以自明堯亦知其然故聽姜嫄棄之肅以融言爲然又其奏去稷契之興自以積德累功於民事不以大迹與燕卵也且不夫而育乃載籍之所以爲妖宗周之所喪滅其意不信履大迹之事而又不能申棄之意故以爲遺腹子姜嫄避

意不信履大迹之事而又不能申棄之意故以爲遺腹子姜嫄避

嫌而棄之王基駁之曰凡人有遺體猶不以爲嫌況於帝嚳聖主
姜嫄賢妃反當嫌於遭喪之月便犯禮哉人情不然一也就如融
言審是帝嚳之子凡聖主賢妃生子未必皆賢聖能爲神明所祐
堯有丹朱舜有商均文王有管蔡姜嫄御於帝嚳而有身何以知
其特有神奇而置之於寒冰乎假令鳥不覆翼終疑逾甚則后稷
爲無父之子嚳有淫昏之妃姜嫄有污辱之毀當何以自明哉本
欲避嫌嫌又甚焉不然二也又世本云帝嚳卜其四妃之子皆有
天下若如融言任身之月而帝嚳崩姜嫄尚未知有身帝嚳焉得
知而卜之苟非其理前却紮礙義不得通不然三也不夫而育載
籍之所以爲妖宗周之所以喪滅誠如肅言神靈尚能令二龍生
妖女以滅幽王天帝反當不能以精氣育聖子以興帝王也此適
所以明有感生之事非所以爲難肅信二龍實生褒姒不信天帝
能生后稷是謂上帝但能作妖不能爲嘉祥長於爲惡短於爲善
肅之乖戾此尤甚焉馬昭曰稷奇見於既棄之後未棄之前用何
知焉孫毓云天道徵祥古今有之皆依人道而有靈助劉媪之任

高祖著有雲龍之怪寢妣之生由於玄龜之妖巨迹之感何獨不然而謂自履其夫帝嚳之迹何足異而神之乃敢棄隘巷寒冰有覆翼之應乎而王傳云知其神奇不可得害以何爲徵也且匹夫凡民遺腹生子古今有之嚳崩之月而當疑爲姦非夫有識者之所能言也鄭說爲長羣賢以鄭爲長長則信矣所言王短短猶未悉何則馬王立說自云述毛其言遺腹寡居必謂得毛深旨案下傳曰天生后稷異之於人欲以顯其靈帝不順天是不明也故承天意而異之於天下是言天異后稷於人帝又承天之意所以棄而異之明示天下安有遺腹寡居之事乎即由天異而棄之何須要在寡居若以寡居爲嫌何以必知其異若使無異可棄竟當何以自明又上傳云帝高辛氏下傳云帝不順天則帝亦高辛之帝安得謂之堯也五章傳云堯見天因郃而生后稷因之曰堯不名高辛益知此帝不爲堯也何云堯知其然聽姜嫄棄之且馬王之說姜嫄爲高辛之正妃其於帝堯則君母也比之後世則太后也以太后之尊欲棄己子足以自專不假堯命何云聽棄之也又堯

言妻如然高年之正如其於帝堯則君也此之從世則太后也
以太后之尊欲棄己子足以自專不假堯命何云聽棄之也又堯

爲人兄聽母棄弟縱其安忍之心殘其聖父之胤不慈不孝亦不
是過豈有欽明之后用心若此哉若以堯知其神故爲顯異則堯
之知稷之甚矣初生以知其神纔長應授之以任何當七十餘載
莫之收采自有聖弟不欲明揚虞舜登庸方始舉任雖帝難之豈
其若此故知王氏之說進退多尤所言遺腹非毛目矣其解文義
傳意或然故采其釋經之辭遺其寡居之說 誕寘至呱矣

正義曰上言后稷之生此言棄稷之事言可美大矣棄此后稷置
之於狹隘巷中牛羊共避而憐愛之嬰兒未有所知當爲牛羊所
踐今乃避而愛之故可美大矣以牛羊避人理之常也又置之平
林可美大矣又棄此后稷置之平地林木之中會值有人往伐平
林伐木之人見而收取之嬰兒之在林野當爲鳥獸所害乃值人
取是可美大矣又以人之取人乃是常理復置之寒冰可美大矣
復棄后稷朝旦於寒冰之上有鳥以羽覆以翼藉之鳥非人類而
覆藉人是可美大矣既知有神人往收取鳥乃飛去矣后稷遂呱
呱然而泣矣此其有神靈之驗也 傳字愛至天下 正義曰易

屯卦云女子貞不字十年乃字是字爲愛之義也知天生后稷異之於人者若其不異不應棄之異之於人謂有奇表異相若孔子之河目海口文王之四乳龍顏之類但書傳不言后稷異狀無得而知之耳言帝嚳若不順天意以顯之則是爲不明則棄之者帝意也以此傳觀之則后稷之生嚳尚存矣不得爲遺腹也 箋天異至異之 正義曰箋以履迹而得后稷雖與傳裡祀得之不同其於異而顯之意亦一也故棄傳而釋之也天降精氣以生后稷本欲異之故姜嫄置后稷於牛羊之徑亦以異之亦者亦天也鄭以姜嫄非帝嚳之妃其棄后稷出姜嫄之意故言姜嫄也步道曰徑以經稱隘巷故以徑言之此詩之意欲顯其異而棄之周本紀以爲不祥故棄之謬矣 傳大鳥至藉之 正義曰以翼能覆藉嬰兒故知大鳥也以經翼在覆下則上覆下翼明非一翼且人體忌寒近冰尤甚既奇而覆之明亦愛而藉之故知一翼覆之一翼藉之經因鳥有二翼互其文以見此意耳姜嫄以玄鳥至月而裡祀在母十月而生稷其生正當冰月故得棄之冰也實覃至

裡祀在母十月而生稷其生正當冰月故得棄之冰也實覃至

嗶嗶 毛以爲上旣言收取后稷此說其長養之事言后稷實以
漸大言差大於呱呱之時也於是之時其口出音聲則已大矣不
復如呱呱時而已又歎之言后稷可美大矣實始匍匐之時已能
意有所知岐岐然又能貌有所識疑疑然以漸有智慧能就人之
口取食而啖之纔始能食即有種殖之志所種藝之者是荏菽也
此荏菽乃旆旆然長大種禾則使有行列其苗則穰穰然美好所
種之麻麥則懔懔然茂盛所種之瓜瓠其實則嗶嗶然衆多是其
本有天性種則美好於後果爲稷官而天下蒙賴於匍匐之上言
誕者爲岐疑發文美大於匍匐之時能岐疑也 鄭唯實覃實訐
爲異言適始能坐而覃然適始張口而訐然餘同 傳覃長至疑識
正義曰釋言云覃延也延引是漸長之義故爲長也訐大路大釋
詁文以岐疑言克克是其性智之能故以岐爲有智之意疑爲有
識之貌內有所知乃外能識物故先岐後疑 箋實之至歲時
正義曰實覃實訐爲厥聲載路而言誕實匍匐爲克岐克疑而設
則實之爲義不指覃訐匍匐之體故云實之言適也適覃訐而聲已

大適匍匐而已能岐嶷爲早慧之勢也定本爲實之言是案集注並爲適又以上言呱矣謂其泣之聲下言匍匐指其小之體覃訐之文在其間則亦指小時之實狀故云覃謂始能坐訐謂張口嗚呼儀禮注云禪之言澹澹然安意也則覃亦安意故爲坐也訐音呼字又從言故爲張口嗚呼是時聲音則已大矣謂大於呱呱之時因言張口嗚呼即說音聲之大且嬰兒旣坐而後弄口破坐而後匍匐則智識漸生故於匍匐之下言岐嶷皆爲事之次也所知在於心神故云岐嶷然意有所知識別發於耳目故云其貌嶷嶷然有所識別見內外之異也岐嶷皆是其貌故重言之此岐嶷在匍匐之時則其生亦未一年矣就口食之時則已稍大故云以此至於能就衆人口自食謂六七歲時也言至於者從此至彼見其間懸遠之意也后稷以上智之資必當早慧六七歲時不應猶就人食鄭言六七歲者以凡人之事準之耳或以爲就口食者謂爲稷官以成就衆人口食案下箋云就口食之時已有種殖之志言天性也若爲稷官之時始有種殖之志不足言其天性且種殖之

天性也若爲稷官之時始有種殖之志不足言其天性且種殖之

志非始居官之日指斥居官不得云口食以此知以就口食正謂就衆人之口自取食矣 傳在菽至多實 正義曰釋草云戎菽謂之荏菽孫炎曰大豆也此箋亦以爲大豆樊光舍人李巡郭璞皆云今以爲胡豆璞又云春秋齊侯來獻戎捷穀梁傳曰戎菽也管子亦云北伐山戎出冬葱及戎菽布之天下今之胡豆是也案爾雅戎菽皆爲大豆注穀梁者亦以爲大豆也郭璞等以戎胡俱是夷名故以戎菽爲胡豆也后稷種穀不應捨中國之種而種戎國之豆即如郭言齊桓之伐山戎始布其豆種則后稷之所種者何時絕其種乎而齊桓復布之禮有戎車不可謂之胡車明戎菽正大豆是也此在菽重言者以藝之之文爲下摠目於荏菽配之爲句又分別說其茂之狀故重言之人供役者在於行列禾無在役之義故知役爲列也言其行相當因禾文單故以役配之其旆旆穰穰幪幪皆言生長茂盛之貌因其文異故以長好茂散而承之其實互相通瓜瓞與五穀異苗以其蔓長故不爲葉茂而以嗥嗥爲多實也定本嗥嗥多實之上云瓜瓞的也案集注等並無此

四字

箋藝樹至天性

正義曰樹者種木之名可爲種植通稱

故云藝樹也上言以就口食此經接於其下故此所陳卽是就食時事就口食之時已有此種植之志言其天性也言其天性善於種植於後果爲稷官周本紀曰棄爲兒時其遊戲好種植麻麥麻麥美卽此是也又曰及爲成人遂好耕農相地之宜且穀者稼穡之民皆法之堯聞之舉棄爲農師天下得其利下章是也 誕后稷至家室 毛以爲旣言后稷爲兒時好種田此後言其爲稷官時事也可美大矣后稷之教民稼穡若有神明相助之道言種之必好似有神助故可大也又說其若有神助之狀言后稷之教民種植乃除治而去其茂盛之草旣去其草於此地種之以黃色而茂盛者謂黍稷之穀也於是此穀旣生實方正而極於龍畝無空缺之地實根本而盡皆均調無稀穰之處謂春生之時也其苗實雍種然而肥大實褻褻然而生長謂夏末時也稍至秋初禾又出穗實盡發於管實實生粒皆秀更復少時其粒實皆堅成實又齊好實穗重而垂穎實成就而栗栗然以此故收入弘多堯善其

好實穗重而垂穎實成就而栗栗然以此故收入弘多堯善其

功而賜之土宇封之於郃就有郃國之家室焉鄭以方謂苗生齊等苞謂苗之茂盛種謂田種不雜成功而改封於郃非始有國土唯此爲異其文勢則同 箋大矣至之力 正義曰下言有郃家室言功成之時則此章說爲官時事故云后稷之掌稼穡也助人者唯神耳故知有見助之道謂若神助之力 傳第治至天命正義曰第治釋詁文此說后稷教稼而言種黃則黃色是穀也穀之黃色者唯黍稷耳黍稷穀之善者故云黃嘉穀也以黍稷是民食之主故舉以爲言其實諸種之穀皆種之閔宮言植穡菽麥尚書稱播殖百穀是所種非獨黃也茂盛則人所美愛故以茂爲美此種之黃茂爲下摠目自此以下皆說嘉穀茂盛故先言黃盛以摠之方者方正之義謂極盡龍畝種無不生地皆方正有苗故以方爲極畝易稱擊壤桑謂數系之桑本故以苞爲本莊子說木之肥大云雍腫無用故以種爲雍種謂苗之肥盛也衰者禾長之貌故言長也發者穗生於苗初發苗生也以上言苗之極畝平均則發者非獨一莖發耳故言盡發則衰亦盡長秀穎好粟皆亦盡然舉

一以明上下也釋草云華芩榮也木謂之華草謂之榮不榮而實謂之秀榮而不實謂之英是不榮而實曰秀也李巡曰分別異名以曉人然則彼是英秀對文以英爲不實故以秀爲不榮其實黍稷皆先榮後實出車云黍稷方華是嘉穀之秀必有榮也此傳因彼成文而引之耳說文云穎禾末也禹貢定賦遠近之差二百里納銍三百里納秸注云銍斷去稾也秸又去穎則穎是禾穗之挺書序云唐叔得禾異畝同穎謂挺上合也美其禾之成就不當言其有穎而已故云穎垂穎言其穗重而穎垂也粟是穀穗成就之貌故云其實栗栗然桓六年左傳云奉酒醴以告曰嘉粟旨酒服虔云穀之初熟爲粟是粟爲穀熟貌世本云有郃氏女曰姜嫄故知郃是姜嫄之國也傳以此言封之於郃下言祭天之事故解其意云堯見天因郃而生后稷謂使郃國之女生后稷也故國后稷於郃謂封爲郃國之君又特命之使得事天所以顯后稷之神順上天之命故也言國后稷於郃猶文王箋云而國於周后稷以前未有國於此始封之也此郃爲后稷之母家其國當自有君所

上天之命故也言國后稷於邠猶文王箋云而國於周后稷以前
未有國於此始封之也此邠爲后稷之母家其國當自有君所

以得封后稷者或時君絕滅或遷之他所也 箋豐苞至變更

正義曰釋詁云苞茂豐也故知豐苞皆爲茂也以經已有茂故言
亦也經每實之下皆當字成義直言實本則不知何本且爾雅以
苞爲茂故易傳也方是方正故言齊等與傳極畝亦同但齊等據
苗均極畝據地滿耳以傳言雍種是肥充之貌禾生雖肥不能至
雍種種者繫本初種之稱即大田旣種是也故以種爲生不雜謂
不稂不莠也傳以稊爲長故申之謂枝葉長也傳以發爲盡發不
解發意故云發管時苗之將秀心如竹管穗發中而出故言發管
也傳言其實栗栗止言栗栗是實貌不言所以得然故言成就以
足之案集注云栗成意也定本以意爲急恐非也就其成國之室
家無所變更者謂邠國先有宮室后稷就而有之所以美后稷也
鄭以姜嫄之夫先爲二王之後是先有國故言改封其封早晚亦
無明文中候握河紀云堯即政七十年受河圖其末云斯封稷契
皐陶賜姓號注云或云七十二年斯此封三臣止言封號不道其
時即封此言成功蓋治水畢後地平天成之時也稷之功成實在

堯世其封於郅必是堯之封矣故此箋及傳皆以爲堯周本紀云
舜封棄於郅號曰后稷以后稷之號亦起舜時其言不可信也杜
預云郅始平武功縣所治釐城是也 誕降至肇祀 毛以爲上
既言后稷功成受國堯又命使事天此言其祭天之事可美大矣
此后稷善能於稼穡上天乃下善穀之種與之使得種以此祭祀
天與之穀是可大也其言善種者維是黑黍之秬維是黑黍二米
之秬維是赤苗之糜維是白苗之芑后稷旣得此善種乃徧種之
秬以秬至熟則於是穫刈之於是畝計之徧種之以糜以芑至熟
則於是任抱之於是負擔之以此秬秬糜芑之穀而歸始郊祀於
上天也 鄭以后稷先事天以歸郊北之處而祀天爲異餘同
傳天降至白苗 正義曰降者從上之辭故知降嘉種者是天降
嘉種也秬黑黍以下皆釋草文唯彼糜作麋音同耳李巡曰黑黍
一名秬郭璞曰秬亦黑黍但中米異耳漢和帝時任城生黑黍或
三四實實二米得黍三斛八斗則秬是黑黍之大名秬是黑黍之
中有二米者別名之爲秬故此經異其文而爾雅釋之若然秬秬

中有二米者別名之爲秬故此經異其文而爾雅釋之若然秬秠

皆黑黍矣而春官鬯人注云釀秬爲酒秬如黑黍一秬二米言如
者以黑黍一米者多秬爲正稱二米則秬中之異故言如以明秬
有二等也秬有二等則一米亦可爲酒鬯人之注必言二米者以
宗廟之祭唯裸爲重二米嘉異之物鬯酒宜當用之故以二米解
鬯其實秬是大名故云釀秬爲酒爾雅云秬一秬二米鬯人注云
秬二米文不同者鄭志荅張逸云秬即皮其秬亦皮也爾雅重言
以曉人然則秬秠古今語之異故鄭引爾雅得以秬爲秬也赤苗
白苗者郭璞曰蘆今之赤梁粟芑今之白梁粟皆好穀也箋天
應至嘉種正義曰如此言則功成受封之後始天與之種唯四
穀而已而闕宮云是生后稷降之百福黍稷重穰植穰菽麥所降
多矣非徒四穀又彼下文乃言奄有下國俾民稼穡則是爲稷官
之日已得此種與此二文不同者天降種者美大后稷以種之必獲
歸功於天非天實下之也作者意異故先後不同此言祭之
所用故指陳黍稷闕宮廣言民食故穀多於此孔叢云魏
王問子慎曰往者中山之地無故有穀乃云天雨反以亡國

何也曰自古及今未聞天下穀與人詩美后稷能大教
民種穀以利天下若中山之穀妖怪之事非所謂
天降祥也以此而言明非實降之也案集注及定本於此並無箋云
傳恒徧至郊祀正義曰以言種之廣多故以恒為徧定本作恒
集注皆作亘字肇始釋詁文上言封之於郃是初為諸侯故云始
歸郊祀下云上帝居歆知此祀為郊也箋任猶至之後正義曰
以任負異文負在背故任為抱鄭以后稷二王之後先得祭天非為
始祭故云肇郊之神位言神位之北肇宜作北春官小宗伯云北五
帝於四郊是也商頌箋讀肇為北此從略之又云得祀天者二王之後
申明肇不為始之意也誕我至嗣歲毛以為上言得穀祭天此
言將祭之事可美大矣我后稷之祀天其禮如何先以所得鉅秬
糜芑之粟或使人在碓而舂之或使人就臼而舂之或使人歆揚其
糠或使人蹂踐其黍言其各有司存並皆敏疾也既蹂舂得米乃浸
之於盆淅而釋之其聲漶漶然言趨疾又炊之於甑爨而烝之其
氣浮浮然言盛也既烝熟乃以為酒食又於先穀熟之時則已謀

氣浮浮然言升盛也既烝熟乃以爲酒食又於先穀熟之時則已謀

度所謂穀熟而謀則已思惟其所祭之禮謂陳祭而卜以秋物之
成賴郊祀之福故穀熟則謀更郊所以豫備酒食也至祭之日乃
取蕭之香蒿與祭牲之脂膏而爇燒之於行神之位使其馨香遠
聞又取羝羊之體以爲犯軼之祭其祭軼也取所祭之肉則傳火
而燔之則如火而烈之以爲尸之差既祭道神乃自此而往於郊
以祭天也所以用先歲之物齊斝犯軼而祀天者欲以興起來歲
使之繼嗣往歲而恒得豐年故也 鄭以春揄黻蹂爲事之次蹂
之言潤既黻去穠或復以水潤濕之將更春以趨於鬯載謀載韎
謂將祭諏謀其日思念其禮非穀熟已謀以此爲異又以興嗣歲
爲興起新歲餘同 傳揄抒至浮氣 正義曰以揄文在春下歎
上既春而未歎故知揄爲抒曰謂抒米以出曰也出曰則歎之故
或有歎穠者或蹂黍者謂蹂踐其黍然後春之然則文當在春揄
之上今在下者以蹂亦爲春而爲之揄歎俱是春進令與春相近
且退蹂以爲韻也上有糜芑是稷而獨云蹂黍者以祭用黍以爲
主故舉黍以言傳每言或者明各有其人俱趨於事不相兼也釋

之既在歎之下烝之上故知爲淝米也說文云淝汰米也孟子曰孔子去齊接淝而行謂泔米未炊漉之而去言其疾也釋訓云淝淝淝也淝淝氣也樊光引此詩孫炎曰淝淝淝米聲淝淝炊之氣淝淝與此不同古今字耳傳以泔米則有聲故言淝淝聲烝飯則有氣故言浮浮氣取爾雅之意爲說也 箋蹂之至之實 正義曰

以蹂文在或歎之下不應方言蹂黍以水潤米必當蹂之使濕故云蹂之言潤如何乎者問人之辭故云美而將說其事意欲說之故設辭自問上生民如何亦如此也於此乃注彼從可知春榆之下始云或蹂故知是既春而扞出之又潤濕之將復春以趨於鑿也召曼箋云米之率糲十糲九鑿八侍御七九章筭術粟二石爲糲米六升春糲一斗卽爲糲九升又春爲鑿則八升又春爲侍御則七升言趨於鑿者此承四穀之後一春一簸始爲糲米又一濕一春猶未至於鑿故言趨於爲漸到之意也米之細者乃窮於御止言趨於鑿者以經傳說祭祀之饌無言用御米者桓二年左傳云粢食不鑿盥昭其儉也則不儉有用鑿之處郊天尊於宗廟其祭或當用之故止言於鑿也桓十四年穀梁傳說

天尊於宗廟其祭或當用之故止言於鑿也桓十四年穀梁傳說

宗廟之事夫人親春楚語云天子禘郊之事王后必自春其粢諸侯宗廟之事夫人必自春其盛韋昭云粢盛互文也言春不過如天子躬耕三推而已故傳言或不斥后夫人也楚語又云天子親春禘之盛韋昭云率后春之亦天子親春也酒與食用此米爲之故云釋之丞之以爲酒及簠簋之實孫毓云詩之叙事率以其次旣歃糠矣而甫以蹂爲蹂黍當先蹂乃得春不得先春而後蹂也旣蹂即釋之丞之是其次箋義爲長集注等皆爲蹂黍定本爲蹂米者誤也 傳嘗之至曰烈 正義曰傳自嘗之日至來歲之稼皆春官肆師職文也言於秋嘗祭宗廟之日則肆師臨卜問其來歲之芟除草木以種田宜之以否於秋獮當獵之日則肆師臨卜問其來歲之所戒備得無兵寇以否於祭社之日則肆師臨卜問其來歲之所稼種宜之以否以嘗者嘗新穀古之始耕田者芟草以種穀今得新穀芟草之功故於嘗日問芟獮主習兵以戒不虞故獮日問戒社者祭土主稼穡故於社日問稼鄭於彼注其意爲然芟稼俱是田事而異日異問者以嘗新穀而本穀初初莫先於芟草

故問芟稼種善否土地之事故祭土之日而問稼也社文在嘗獮之下謂秋獮祭社也嘗在孟秋獮社俱在仲秋取禽而後祭社故先獮後社也嘗社是祭神之事耳因而問卜獮乃秋獵不接神明亦言卜來歲者卜者自問吉凶於龜不由嘗社所祭之神但因用其日而問之耳獮爲習兵故因兵而問兵事所以引此三文者欲見今秋穀熟之時即謀來年郊祭之事似今秋祭社之日豫卜來歲之稼若然必以今秋豫卜來歲者欲令來歲還似今秋是興來繼往之義不云卜郊而言陳祭而卜者以來年郊祭本爲祈穀今社日卜來歲之稼即是卜郊之義也陳祭而卜謂陳列嘗社祭之日豫卜來年善否若然此載謀載惟於穀熟已謀則其事在於酒食之前當與上四穀相連不可以他事閒之謀惟是思念祭事故下之令與祭事相比也又云蕭合黍稷臭達牆屋旣奠而後藝蕭合馨香皆郊特性文彼唯馨作羶注云羶當作馨字之誤也蓋毛時未誤故讀彼從此彼言臭陽達於牆屋此無陽於二字引之略耳彼言宗廟之祭此是將郊爲較道之祭事不同而引之者證此用

彼言宗廟之祭此是將郊爲較道之祭事不同而引之者證此用

蕭之意蕭香蒿也焚燒也言宗廟之祭以香蒿合黍稷欲使臭氣通達於牆屋故記酌於尸已奠之而後燒此香蒿以合其馨香之氣使神歆鄉食之故此亦用蕭取其馨香也此言祭脂彼不言脂彼言黍稷此不言黍稷皆文不具耳羝羊牡羊者以祭不用牝故知是牡也釋畜云羊牡牝牝牝郭璞曰牝謂吳羊白羝者是亦以牡爲羝也較道祭謂祭道神之祭傳火曰燔謂加火燒之商頌曰如火烈烈則烈是火猛之意不可近燒故云貫之加於火上曰烈即今之炙肉也箋惟思至往郊正義曰惟思釋詁文又申明遠火爲烈之意說文云烈火猛也爛火熟也俱是火熟之意故云烈之言爛也以酒則豫釀而成食則臨祭乃作故云后稷旣爲郊祀之酒及其米於此仍言其米則上爲承之釋之止爲酒耳而箋兼言簠簋之實者以彼文有春籩之事其爲米者非獨爲酒而已故兼言簠簋簠簋之實必就郊非作之故此言其米也禮大夫以上將祭必諏謀其日日定乃卜之特牲禮云不諏日明六夫以上諏之矣故云諏謀其日日彼注云諏謀也載謀是謀其日則載惟是思其禮故云思念其禮正以特牲有諏日之文故易傳不

以謀爲穀熟而設取蕭草與祭牲之脂還是羝之脂也以牲爲較祭而設羝宜與較同文脂則配蕭而用故先言之藝之於行神之位正謂祭較之位以較之所祭即是七祀行神故言行神之位馨香旣聞取羝羊之體以祭神者謂取牲體以祭伏於較上秋官犬人云凡祭祀供犬牲伏座亦如之鄭司農云伏謂伏犬以王車轡之明此用羝亦伏體較上故言體也犬人伏用犬牲此用羝者蓋天子諸侯異禮彼天子用犬此諸侯用羊禮相變也又燔烈其肉爲尸羞言又者亦用此羝之肉爲之也以七祀之祭皆有尸明較祭亦有尸其燔炙者事尸之羞故云爲尸羞也此后稷爲諸侯得有尸則天子較祭亦有尸依聘禮卿大夫較祭用酒脯則無尸矣郊之北位在國外故云自此而往郊也傳興來歲繼往歲正義曰此一句非祭所用故分而注之以興者是有所起發之意嗣者繼續之言故知爲此祭者欲以追起來歲以繼續往歲使之歲穀恒熟常獲豐年也來歲者據今祭時以未至爲來已過爲往耳非要別年也何則堯命后稷郊天未知定用何月要在歲首爲之所言來歲正謂此年之秋耳箋嗣歲至上帝

在歲首爲之所言來歲正謂此年之秋耳

箋嗣歲至上帝

正義曰箋意定以正月爲郊何則正朔三而改自夏而上推之高
辛氏當以建寅之月爲正故堯典云三帛注云高辛氏之後用黑
繒是也王者之後自行其祖正朔后稷高辛氏之胄故郊必正月
旣以正月爲郊則嗣歲郊之歲也故云嗣歲今新歲新歲而謂之
嗣者使之繼嗣往年猶嗣子之繼父其意微與毛異大理亦同也
孟春以下皆月令文也定本云孟春之令曰無月字元日謂善曰上
辛也祈穀即郊天也引此以證郊祭而云嗣歲之意由郊天生爲
祈穀故也禮器曰祭祀不祈言祈穀者不可私爲己祈而穀者所
以養民故言祈也 卬盛至于今 毛以爲上言將往祭天此言
正祭之事我后稷蒞醢大羹之屬盛之於豆又盛之於登以此而往
薦祭此豆登所盛之物其馨香之氣始上行上帝則安居而歆饗
之旣爲上帝所歆故反言以美之何有芳臭之誠得其時若此者
乎言無有若此之最善也帝旣饗其祭祀降其福祿又述而美之
言后稷受堯之命始爲郊祀其福乃流於天下之衆民令皆得其所
無有罪過而今 悔恨者子孫蒙其餘福以至於今而賴之今文王

得由之而起今鳥致太平故推之以配天焉 鄭唯以肇祀爲郊
非之祀爲異餘同 傳卽我至大羹 正義曰卽我釋詁文釋器
云木豆謂之豆瓦豆謂之登是木曰豆瓦曰登對文則瓦木異名散
則皆名豆故云瓦豆謂之登冬官斲人掌爲瓦器而云豆中懸鄭
云懸繩正豆之柄瓦亦名豆也再言於豆者疊之以足句耳經唯
言盛於豆傳辯其所盛之物天官醢人掌四豆之實皆有菹醢是
豆爲薦羞俎醢也公食大夫禮云大羹湑不和實於登是登爲大羹
湑者肉汁大古之羹美也不調以鹽菜以其質故以瓦器盛之

箋宣誠至器質 正義曰宣誠釋詁文言盛菹醢之屬者以略
不言羹故言之屬以包之祀天而用瓦豆者以陶器質故也郊特
牲曰掃地而祭於其質也器用陶匏是也定本集注皆云其馨
香始上行俗本作上聞者誤也 傳迄至 正義曰釋詁文上傳
肇爲始此亦當然 箋庶衆至天焉 正義曰庶衆釋詁文抑云
庶無罪悔箋以庶爲幸以彼是敬言戒之辭故爲異幸之義此旣
爲上帝所歆不是始異無罪故以庶爲衆后稷爲二王之後一國

爲上帝所歆不是始糴無罪故以庶爲衆后稷爲二王之後一國

君耳縱使祭天得所不過福及一國而言天下衆民咸得其所無罪者以祭天而得豐年可以廣及天下且后稷之教田農天下皆得其利故以天下言之

毛詩正義卷第二十九

計一万九千四百七十九字

金澤文庫

[illegible]

毛詩正義卷第三

唐國子祭酒曲阜縣開國子臣孔穎達等奉

勅撰定

正大雅

行葦

既醉

鳧鷖

行葦八章章四句至福祿焉

正義曰作行葦詩者言忠誠

而篤厚也言周家積世能為忠誠篤厚之行其仁恩及於草木以草木之微尚加愛惜況在於人愛之必甚以此仁愛之深故能內則親睦九族之親外則尊事其黃髮之耆以禮恭敬養此老人就乞善言所以為政以成其周之王室之福祿焉此是成王之時則美成王之忠厚矣不言成王者欲見先世皆然非獨成王故即言周家以廣之九族是王近親黃耆則及他姓故言內外以別之經八章仁及草木首章是也內睦九族二章盡四章是也尊事黃耆五章盡卒章上二句皆是也以成其福祿卒章下二句是也三王之老必就乞言故序因而及之於經無所當也首章

言葦唯有其耳舉草則不可知故序言以足句耳 箋九族至受之正義曰親睦九族非直其父祖子孫而已故言上至高祖下至玄孫之親見同出高祖五服之內皆親之文王世子云族食世降一等則天子所燕及者非獨五服之內此唯言九族者言其親親以及遠舉九族以見同姓皆親之黃耆皆是老名故云黃黃髮耆凍梨釋詁云黃髮耆老壽也舍人曰黃髮老人髮白復黃也孫炎曰黃髮髮落更生耆面凍梨色似浮垢也方言云燕代北鄙謂耆爲梨郭璞注云梨面色似梨也內則云凡養老五帝憲三王又乞言皆有惇史言五帝直養其氣體而法效之三王亦養而法效之又乞善言皆有惇史故知得善言則惇史受之禮有內外小史大史無惇史正以侍接老人擇史之惇厚者掌之惇非官名也故彼注云惇史史之孝厚者也 敦彼至泥泥正義曰言周之先王忠厚之至見敦敦然道傍之葦乃禁牧者爾所牧牛羊勿得踐履折傷之何則此葦方欲茂盛方欲成體維其葉泥泥然少而美好以其將爲人用故愛惜之言其葉少美是愛之意周之先王尚愛及

折傷之何則此葦方欲茂盛方欲成體維其葉泥泥然少而美好以其將爲人用故愛惜之言其葉少美是愛之意周之先王尚愛及

草木況於人乎是其忠厚之極也

傳敦聚至泥泥

正義曰周禮

以葦好叢生而謂之叢物故言敦聚貌禁其勿踐則生必近路故以行爲道也猶慮牛羊所食故知是葉之初生泥泥然 箋體成至人乎 正義曰成形者謂至秋乃成爲葦此時未成故言方以方爲未至之辭葦之初生其名爲葭稍大爲蘆長成乃名爲葦八月萑葦是其事也此禁牛羊勿踐則是春夏時事而言葦者此先王愛其爲人用人之所用在於成葦作者體其意故經以成形名之葦之初生正是牛羊所食而禁之者以牛羊當有牧處且見先王之意愛之耳 戚戚至之凡 正義曰言先王有仁恩之故能誠心親戚其親戚之兄弟無遠無近王俱邇而揖進之與之燕樂於時王心實悅鋪設促遽或有陳之筵席者或有授之以几者是王能親其所親也 傳戚戚至几者 正義曰戚戚猶親親然親其所親起於心內故言內相親也相者兩相之辭族人固當親王但若王不親族人則族人亦不親王耳今王能降心則族人必親矣故以相言之肆陳釋詁文箋莫無至以几 正義曰邇是近義謂揖而進之令自近也燕禮曰

公降立於阼階之東南南鄉邇鄉西面北上邇大夫北面少進注云邇近也揖而移之近之是也經直言莫遠而箋言無遠無近者以作者句有所局不得遠近並言舉遠則近可知矣凡者所以安身少不當憑几而經筵几別文故知老者加之以几也肆筵至奠皐毛以爲乘上肆筵授几之文更申其事言王於族人旣爲肆之筵上又設重席其授几之人尊斝老者則有致斝蹑蹠之容旣設筵几族人升堂受燕或乃主人進酒而獻之於賓賓旣受卒爵或乃酌而酢荅主人主人卒飲又洗爵酌以酬賓賓受而奠此皐不復舉之王與族燕以異姓爲賓使宰夫爲主人行此獻酢之禮也鄭以上二句特爲老者設文旣爲老者肆筵又重設席授之以几復有傳史相續代而侍之餘同傳設席至之容正義曰旣言肆筵上又設席故知重席也不過下莞上簟而已春官司几筵注云筵亦席也鋪陳曰筵藉之曰席然則言之筵席通矣彼以在下爲鋪陳在上人所蹈藉故在下者稱筵在上者稱席此當與之同也以授几以供老人故以緝御爲致斝蹑蹠之容傳以授几之時有蹑蹠之容則肆筵之文不主於老人當是乘

躋之容傳以授几之時有踧踖之容則肆筵之文不主於老人當是乘

述上文與鄭異耳

箋緝猶至敦史

正義曰緝績者連續之故緝

猶績也凡御者皆侍其側故御爲侍也上章已云肆筵授几今肆筵之上復設席則是主於老者異於上章少者或單席矣博史主侍老人故知績代而侍者謂博史

傳罍爵至曰爵

正義曰禮主人洗

以酬賓賓得而奠之所洗所奠猶一物也而云洗爵奠罍似是異器故辨之云罍爵也爵酒器之大名故儀禮飲觶者亦云卒爵是爵爲摠稱作者因洗奠之別更變其文耳夏曰醖以下皆明堂位文引之者明罍非周器謂之罍者彼注謂畫禾稼也

箋進酒至兄弟

正義曰此獻酢之法儀禮行事之次爲然知用罍罍爲尊者公羊傳曰周公白牡魯公駢剛禮運云醖罍及尸君非禮也以大夫用之爲僭明先代之物爲尊也此言先王之事或在制禮之前自當正用罍爵而知必有異意者此詩成王之時作縱使追述先代當以周制言之不當舉殷之爵故知於時實用之也燕禮諸侯燕其臣子宰夫爲主人則天子亦當然文王世子云公與族人燕則異姓爲賓則賓主皆非兄弟言尊兄弟者賓主爲兄弟行禮而有之其器之設主爲兄弟故也

醢醢至或罍 正義曰言王燕族人於獻酒之時則用醢醢并非菹以薦進之也又復或燔其肉或炙其肝以爲羞其正饌以外所加善殽則脾之與臠酒殽既備又作樂助歡於是時或比於琴瑟而歌或徒擊鼓而罍以此燕樂族人是王能內睦之也定本集注經皆作嘉箋以脾臠爲加故謂之言嘉是爲嘉美之嘉也 傳以肉至曰罍 正義曰釋器云肉謂之醢李巡曰以肉作醬曰醢天官醢人注云醢肉汁也蓋用肉爲醢特有多汁故以醢爲名其無汁者自以所用之肉魚鴈之屬爲之名也以臠爲醢蓋相傳爲然服虔通俗文云口上曰臠口下曰函或當然也經傳諸言歌者皆以絃和之故云歌者比於琴瑟徒擊鼓曰罍釋樂文孫炎曰聲驚罍也王肅述毛作徒擊鼓今定本集注作徒歌者與園有訛傳相涉誤耳

箋薦之至之嘉 正義曰醢所以擣菹禮邊豆偶有醢必有菹故云非菹則醢醢人云朝事之豆非菹醢醢是也燔炙是正饌以脾函爲加助故謂之嘉 敷弓至以賢 毛以爲自此以下皆說養老之禮周之先王將欲養老親自射以擇士其天子所射之畫弓既堅韌矣其四鏃之矢既鈞停矣其舍放此矢既均同而中矣王既射以擇賓莫非賢者其

既鈞停矣其舍放此矢既均同而中矣王既射以擇賓莫非賢者其

次序而爲賓客者以此擇之故而皆是賢人也 鄭唯下句爲異
謂次序羣臣爲賓以射之賢者爲次言以射中多少爲差等餘
同 傳敦弓至中執 正義曰敦與彫古今之異彫是畫飾之義
故云敦弓畫弓也冬官弓人爲弓唯言用漆不言畫則漆上又
畫之彼不言畫文不具耳此述天子擇士宜是天子之弓故言天子
敦弓此擇士之射與羣臣共之作者主言天子之弓而已其諸侯公
卿宜與射者自當各有其弓不必畫矣其等級無文以明之是
四年公羊傳何休注云天子彫弓諸侯彤弓大夫嬰弓士盧弓事
不經見未必然也又解四鏃之義言鏃是矢參亭者也參亭謂
三分矢一在前二在後輕重鈞亭四矢皆然故言四鏃既鈞冬官矢
人爲鏃矢參分一在前二在後注云三訂之而平者前有鐵重也
矢而謂之鏃者釋器云金鏃翦羽謂之鏃孫炎曰金鏃斷羽使
前重也方言云關西曰箭江淮謂之鏃則鏃者鐵鏃之矢名也又
解舍矢既均之義言已均中執謂所射之質四矢皆均中也案周
禮司弓矢鏃矢殺矢用諸近射田獵恒矢庠矢用諸散射鄭注

云散射謂禮樂之射此養老即是禮射而用鏃矢者此與賓客私宴不與常射同或云先王用先代法不用周禮 箋舍之至爲賓 正義曰舍釋俱是放義故舍之言釋謂既

射放矢也傳言中執故又解之云執是質即所射之物正鵠之摠名但此說大射當謂鵠也以下章言養老之事而此論射則知射爲養老故云周之先王將養老先與羣臣行射禮以擇其可與者以爲賓禮稱將祭而射謂之大射養老與祭相類而亦射以擇賓則亦爲大射何則禮射有三賓射在朝而射以娛賓燕射因燕而射以爲樂皆無擇士之義樂記云祀於明堂以教諸侯之孝食三老五更於太學以教諸侯之悌是祭與養老爲相類之事故知此射必大射也王肅以此爲養老燕射案燕射於燕旅酬之後乃爲之不當設文於曾孫維主之上豈先爲燕射而後酌酒也以此知雖毛之意亦爲大射也 傳言賓至存焉 正義曰言序賓以賢者謂次序爲賓以此擇之而皆賢也然則非賢不得爲賓故言賓客次序皆賢也自孔子射於矍相之圃

以下皆射義又彼於圃下云蓋觀者如堵牆此則之也又復也

賢不得爲賓故言賓客次序皆賢也自孔子射於矍相之圃

以下皆射義文彼於圃下云蓋觀者如堵牆此引之略也矍相地名樹菜蔬曰圃於矍相之地有此圃孔子射於中以聖人行禮故觀射者衆如垣堵之牆焉將射先行飲酒之禮其禮立一人爲司正使主飲酒之事至於將射則變司正爲司馬故言射至於司馬立司馬是將射之始也於此之時使子路執弓矢出圃外以延進射者令欲射也子路延射則子路爲司射矣執弓矢者明其爲射之事也告觀者曰若嘗爲奔敗軍衆之將謂與人爲將撫御無方致使己軍喪敗或嘗爲亡國之大夫謂與人爲臣不能匡輔令使其國滅亡及與爲人後謂他人已自有後復往奇而後之則是貪財之人若有此行者不得入其餘無此行者皆入子路言此之後蓋去者半入者半子路所陳三事皆是人之惡行者觀者終不半爲此行但見其言畏其義故去者半耳既已半入於圃又使公罔之裘及序點二人揚觶爵而爲語公罔裘先語於衆曰今射之所取之者唯十年而幼三十而壯於時能行孝悌之行及六十之耆七十之耄尚能好禮不從流失之俗脩飾已身以待其死而不

變者可留於此若無此行者不得在此射位此說旣訖所入之人於中蓋又去者半而處留者亦半也序點又揚舉此觶以語說於衆曰今射所取唯是好學不厭倦好禮不變慝至八十九十之耄而能勤行稱舉其道不爲亂者若無此行不得在此射位於是皆去蓋僅有存焉鄭於彼注其意爲然傳言此者見在射位如此爲難故先射擇之則賓客皆賢知子路爲司射者以鄉射云司射祖決遂取弓矢於西階乃告請射事今子路執弓矢延射故知爲司射也司射與司馬別而先自言之明子路延射之節立司馬時也主射一人而已故子路獨出延射語說必須二人故罔裘序點相對而言也必揚觶者將以令衆故執爵以自表也二人語意相類而子路之言全與別者子路出圃外延入令衆人皆入就大衆之內簡去惡者故言惡者不入爲威肅之辭其已入圃則是賓客將欲與之同射故使裘點就衆人之中簡取好者是故二人之言皆陳善事前言好禮而已後令好之不變前言耆耄好之後言耄亦不亂是先易後難使彌簡彌精故再言之後蓋僅有存焉蓋者皆

語辭也子路言惡事其末當云有此行者不入裘點言善事其末當云無此行者不在此位以意在可知故不設此言是作文之常勢也孔子此射蓋爲大夫時也大夫射禮有五大射賓射燕射鄉射主皮之射此射先行飲酒之禮則孔子用鄉射禮何則大射自擇其臣非外人得入賓射則與賓爲之無詢衆之義燕射與所燕者射不得有外人觀之且燕在於寢不當處矍相之圃主皮之射則求中而已不在於禮而此射行禮又非主皮射明孔子此射用鄉射禮矣射義上文云古者天子諸侯將射必行燕禮鄉大夫之射必行鄉飲酒之禮其下則說孔子射事明孔子射前飲酒者是鄉飲酒之禮射者即是鄉射也故地官鄉大夫職云三年則與賢者能者以禮賓之飲明獻賢能之書於王退而以鄉射之禮詢衆庶注引孔子射於矍相之圃使序點揚觶而語衆庶之義引證鄉射明孔子用鄉射之禮也箋序賓至次第正義曰投壺數筭云某黨賢於某若干純謂中多者爲賢此射擇之爲賓而云賢明以射中多少爲次故易傳也敦弓至不侮毛以爲又說

擇士爲射之事言王之敦畫之弓旣挽其弦而句然旣挾此四鏃之矢徧釋之矣其四鏃皆中於質如手就樹之然王旣爲此善射以擇賢者爲賓故其次序爲賓者以此擇之故皆不有侮慢者也言爲賓者皆是恭肅之賢人鄭唯下句爲異言其次序賓以不侮慢多少爲次第餘同傳天子至成規正義曰皆冬官弓人文也又云往體寡來體多謂之王弧注云王弓合九而成規弧弓亦然則此敦弓即彼王弧也傳言此者明旣句是引滿之時也以合九成規此弓體直今言旣句明是挽之也說文云彀張弓也二京賦曰彫弓斯彀彀與句字雖異音義同箋射禮至釋之正義曰射禮搢三挾一个大射禮然也搢者插也挾謂手挾之射用四矢故插三於帶間挾一以扣弦而射也射禮每挾一个今言挾四鏃故知已徧釋之也案大射禮搢三挾一个謂卿大夫若其君則使人屬矢不親挾也曾孫至黃耆毛以爲賓射旣中可以助行養老曾孫成王於是承先王之法度維爲主人矣其爲主人酒醴維醕厚矣故今酌之以大斗而獻之以報養黃耆之老人鄭以此章始告老

故今酌之以大斗而獻之以報養黃耆之老人鄭以此章始告老

人下章乃言其養成王養老爲主人酒醴維醺厚酌以大斗而嘗之以告黃耆將養之也 傳曾孫至祈報 正義曰以信南山經序準之知曾孫爲成王也醺厚謂酒之醇者說文云醺厚酒也大斗長三尺謂其柄也漢禮器制度注勺五升徑六寸長三尺是也此蓋從大器挹之於樽用此勺耳在樽中不當用如此之長勺也祈訓爲求但從求善言而報養之故以祈爲報也 箋祈告至君子

正義曰祈告釋詁文序言周家忠厚則此篇所陳周之先王與今王皆能親親而敬老也四章以上言親睦九族之事故箋於首章言先王五章以下言養老之事故箋又言先王以明周之先王盡能然也至於此章指言曾孫則是主言成王故云今成王承先王之法度爲主人明先王亦然矣此先王指文王武王以其行天子禮故也若大王王季追王耳未能用天子法上言先王射以擇賓則成王亦然故知即以文王之事接之云亦旣序賓矣酌文在祈黃耆之上未告黃耆故知酌者酌而嘗之也飲酒之禮曰告於先生君子可也是鄉飲酒之禮賓賢能明日之事也彼注云先生大夫之致仕

者不以筋力爲禮於是可以來君子國中有盛德者可召唯所欲引此者證祈爲告義言養老之禮亦當豫告老人也 黃耆至景福 毛以爲成王之養老人也非止一時而已言此黃耆鮐背之老人成王以此長養事之以此常恭歆之由其尊者老之人故得壽考維有吉慶以受大大之福 鄭以上言告老人此言養之事黃耆鮐背之老人旣告之而來成王乃使人以禮在前導引之以禮在傍贊翼之以此故得壽考維吉以助其受大福 傳台背至翼歆 正義曰釋詁云鮐背者老壽也舍人曰老人氣衰皮膚消瘦背若鮐魚也爾雅作鮐以其似鮐魚而此經作台故箋申之云台之言鮐也大老則背有鮐文是依爾雅爲說也劉熙釋名云九十曰鮐背背有鮐文或當然也引長翼歆釋詁文 箋在前至曰翼 正義曰引者牽引之義故云在前曰引謂在前相導之翼者如鳥之翼在身之兩傍故云在傍曰翼謂在傍扶持之以此引翼是導引扶持之義則老人於是始來故易傳以上章爲始告此章爲正養 傳祺吉 正義曰釋言文 旣醉八章章西

爲始告此章爲正養 傳祺吉 正義曰釋言文 既醉八章章四

句至行焉 正義曰作既醉詩者言太平也謂四方寧靜而無事此則平之大者故謂太平也成王之祭宗廟羣臣助之至於祭末莫不醉足於酒狀飽其德既荷德澤莫不自脩人皆有士君子之行焉能使一朝之臣盡爲君子以此教民民大安樂故作此詩以歌其事也士者事也言其才可以理庶事人行之成名公卿以下摠稱之濟濟多士文王以寧其文兼公卿也君子者言其德可以君上位子下民雖天子亦稱之易乾卦九三君子終日乾乾謂天子是也公卿以下有德者亦稱之言人有德者謂人人皆有德以顯太平之驗經八章首章上二句是醉酒飽德也四章下二句言相攝以威儀五章言君子有孝行是有士君子之行此二事是太平之實故序特言之但醉酒飽德本因祭蒙神福則遠被子孫故作作者因言祭而得福祿澤及後世之事非詩所主意故序者略之本或云告太平者此與維天之命敘文相涉故遂誤耳今定本無告字 箋成王至飽德 正義曰以經言祭事故云成王祭宗廟至於旅酬乃以酒次序相酬不遺微賤下徧於羣臣至

於無筭爵爵行無數以此故云醉焉酌酒始於旅酬爵行終於無筭以醉必在祭末故先以無筭結之又從祭初至於祭末乃見十等倫理於是志意充滿如食飽足是以謂之飽德也祭統云夫祭有十倫焉見事鬼神之道焉見君臣之義焉見父子之倫焉見貴賤之等焉見親疏之殺焉見爵賞之施焉見夫婦之別焉見政事之均焉見長幼之序焉見上下之際焉此之謂十倫也彼陳目於上又歷說其事於下文多不可盡載略舉其意以爲筵几依神詔室出於祊爲交神明一也君迎牲而不迎尸爲尸在廟門外疑於臣別嫌而不迎是明君臣之義二也孫爲王父尸已北面而事子則爲其父尸之故此父子之倫三也尸飲五獻卿尸飲七獻大夫尸飲九獻士與有司是明貴賤四也羣昭羣穆咸在別遠近親疏之序是親疏之殺五也賜爵祿於太廟此施爵賞爲六也君在阼夫人在房不相授受酢必易爵此別夫婦爲七也祭末歸俎貴者不重賤者不虛是政事之均八也賜爵昭穆及有司皆以齒是長幼有序九也有畀鞶胞狄闔寺君在上而惠下是上下之際十也此十義祭

也有昇韞胞狄闔寺君在上而惠下是上下之際十也此十義祭

必有之唯爵賞之施或有或無舉其有者而爲十耳若然此十義祭則有之獨言成王之時爲太平事者人有士君子之行自由王化之深實非祭未始然但作者因事見義以祭有飽德之事而臣有士君子之行以爲政由於神化從神感是故因祭祀而美其人其有德行以示世之太平耳 旣醉至景福 毛以爲成王之祭宗廟羣臣助之至旅酬而酌酒終無筭爵而皆醉言成王旣醉之以酒矣又於祭末見惠施先後歸俎之事差次二者之德志意充滿又是旣飽以德矣君子成王德能如此當有萬年之壽天又大與汝大福也 鄭唯以介爲助餘同 傳旣者至其事 正義曰春秋日食盡者謂之旣故解之云旣者盡其禮終其事盡禮終事其義一也以經有二事故分之耳 箋禮謂至之類 正義曰以傳分爲二故亦分而申之傳以禮解酒故云禮謂旅酬之屬言之屬謂下及無筭爵也傳以事解德故云事謂惠施先後謂尸飲五獻卿尸七獻大夫以貴賤爲先後也及歸俎者貴者得貴骨賤者得賤骨貴者先而賤者後言之類見理兼十倫故箋略舉以包通之

箋君子至五福 正義曰何知君子非上醉酒飽德之人而以爲成王者以與萬年連文六章七章萬年之下以祚胤景命接之故知君子萬年宜斥成王也六章萬年之下云永錫祚胤即乘之云天被爾祿明永錫者是天錫之也此介爾景福亦在萬年之下其文與彼相值明亦天也故云天助汝以大福也此祭宗廟而言天助者以人死魂歸於天雖人鬼所助者皆歸之於天焉少牢嘏辭亦云使汝受祿於天是也福謂五福者洪範云五福一曰壽二曰富三曰康寧四曰攸好德五曰考終命注云康寧人平安也攸好德人皆好有德也考終命考成也終性命謂皆生佼好以至老也此五者皆是善事自天受之故謂之福福者備也備者大順之揔名詩言景福多矣以此篇福事數備於五故就此以明之見諸言景福義皆然也此篇言君子萬年是爲壽也天被爾祿是富也室家之壺是康寧也昭明有融是攸好德也高朗令終景命有僕即考終命也爲下具此五者故箋於是言之明此篇景福之言爲下揔目也 旣醉至昭明 毛以爲成王之祭宗廟羣臣助之終於無筭爵而皆醉言成

王既醉之以酒矣爾王之殽羞牲體既差次而行之禮事終備汝君子成王當有萬年之壽天又光大汝成王與之以昭明之道謂使之政教常善永作明君也 鄭唯以介爲助餘同 箋殽謂至行之正義曰歸俎者以牲體實之於俎故又謂俎實以尊卑差次行之者謂貴者得貴骨賤者得賤骨是也 昭明至嘉告

毛以爲天既光大汝成王以昭明之道甚有長也言與之明道未有極已之時以是之故王德高明而有善終禮莫重於祭饗燕是禮之始祭祀是禮之終言王能善於祭也王之善終又有始言王於饗燕之禮亦善爲之由其終始皆善故於祭之時有諸侯之公與王爲先祖之尸始以善告王使受福也由此祭而使羣臣飽德故因述王之祭事焉 鄭以爲天既助汝王以光明之道不但一時而已又使之長遠也所以爲長者使王有高明之譽而以善名終是其長也既以善名而終又使之篤厚是故公尸以善言告王也 傳融長至享祀 正義曰融長釋詁文釋言云明朗也反覆相訓故朗爲明也此言今終下云有俶則是始終相對下云公尸此論祭事祭統曰

禮有五經莫重於祭是以祭禮爲重禮終於是故謂之終以事神之禮爲終則與人交接者爲始故以饗燕爲始享祀爲終王者先成民而後致力於神故始於饗燕終於享祀 箋有又至其長正義曰以說一人之事宜爲相亞故以有爲又令善釋詁文天旣助汝以光明之道令其無有窮已是又使之長也光明之道自在己身行之於人則有名譽此高明令終還述有融之言故云有高明之譽而以善名終是其長也易傳者此昭明還乘上文而申之未有祭事在其間故易之也 傳俶始至諸侯 正義曰俶始釋詁文天子以卿謂以卿爲尸也卿而謂之公者言此卿之尊比下土諸侯也諸侯稱公故亦謂卿爲公也白虎通引曾子曰王者宗廟以卿爲尸射以公爲耦不以公爲尸避嫌三公尊近天子親稽首拜尸故不以公爲尸然則當時傳記有此說故知宗廟之尸必以卿也卿六命出封則爲侯伯故得以公言之此傳據卿非諸侯者爲說耳若諸侯入爲卿則稱公是常矣 箋俶猶至公君 正義曰箋以此文從介爾昭明以來轉相乘述則令終有俶亦是介爾之事俱爲神祐

受之於天非言王之祭燕行事始終故不從俶爲始以令終已是善名故以俶爲厚釋詁云俶作也作事所以厚生故云俶猶厚也言天祐成王旣始使以善名終又使厚之見天意所勤之至也尸告主人唯嘏辭耳故知公尸嘉告謂嘏辭也傳言以卿爲非諸侯者故又言諸侯入爲卿大夫以申足傳說也諸侯有功德者入爲天子之卿大夫謂侯伯爲卿子男爲大夫五等在國臣皆稱之曰公故言公尸也公君釋詁文明國君而稱公非必公爵也此宗廟宜以卿爲尸但因解公而連言大夫耳祭統云夫祭之道孫爲王父尸所使爲尸者於祭者子行也父北面而事之彼說天子諸侯之法則天子諸侯宗廟之祭其尸用同姓也於同姓之中用其適者故祭統注云必取同姓之適知者士虞記云男男尸女女尸必使異姓不使賤者注云異姓婦也尸配尊者必使適也雖虞時男女別尸旣附則夫婦共尸唯此爲異其用適則同也曲禮曰爲人子者不爲尸注云然則尸必卜筮無父者然則尸又用適而無父者也非其宗廟之祭則其尸不必同姓石渠論云周公祭天用太公爲尸是

用異姓也白虎通又云周公祭太山用召公爲尸蓋天地山川得用公也 其告至威儀 正義曰案乘上公尸嘉告又問而說之言其此公尸以善言告者維何所爲乎乃由王之所祭遵豆之物絜清而美又其時王之羣臣同志好之朋友皆有士君子之行所以相攝斂而佐助之其所以相攝佐者以威儀之事也由祭饌則絜清而美助者又善於威儀當神之意故公尸以善言告王也 傳恒豆至徧至 正義曰自交於神明以上皆郊特性文所異者唯彼和下有氣此略之耳旣引其文又云言道之徧至以解其間用水土之意恒豆謂恒常正祭之豆菹用水草之和氣所生者而爲之若昌本與鳧葵也其醢則用陸地所產之物若麋麋之等也朝事爲正故謂之恒其加豆菹用陸產之物若葵菹與豚拍也其醢則別用水物若鱸與魚謂饋食之豆以其亞朝事故謂之加此遵豆之薦用水土所生之品者以不敢用尋常褻美之味而貴其多品數故恒加相及所以交接於神明者言道之徧而至於水土故也彼注云此謂諸侯也天子朝事之豆有昌本麋難茹菹麋麋

故也文三三六謂諸侯也天子朝事之三有焉

饋食之豆有葵菹羸醢豚拍魚醢其餘則有雜錯云也記言恒豆加豆
鄭引朝事饋食則以朝事為恒饋食為加取其水陸相配與記
同者而證之以恒加相亞宜為朝事與饋食故不為饋外之加焉
其餘雜錯者於天官醢人云朝事之豆有韭菹菁菹非水草也饋
食之豆有蜃蜆醢蜃非陸產蜆非水物故言雜錯也此皆言豆而
并言籩者籩與豆相配故連言之也此皆天子之禮而引諸侯法者
取水土之品是靜嘉之義故引之其雜錯猶自不同也 箋公尸
至致故 正義曰維何者問之辭靜嘉者答之意言政平氣和因
解水陸之物得美之意此經意言其告維何由籩豆靜嘉下云其
類維何室家之壺其胤維何天被爾祿更自申說類胤之事文勢
雖與此異俱問而自說故同言維何也 箋朋友至之事 正義曰
言朋友至之事 正義曰言朋友則非一人論祭事而言收攝則是
羣臣相攝以助之友者同志之名故云朋友謂羣臣同志好者攝
者收斂之言各自收斂以相助佐為威儀之事則祭義所謂濟
濟漆漆是也 威儀至爾類 毛以為成王之臣既相攝佐以

威儀故威儀甚得其適時之中皆爲君子之人皆有孝子之行
既有孝子之行又不有竭極之時能以孝道轉相教化則天長
賜汝王以善道矣 鄭唯長與汝之族類爲異餘同 箋孔甚至
其宜 正義曰孔甚釋言文時謂時節前事而量度之使己舉措
合宜故云威儀甚得其宜賓之初筵箋以時爲心所尊敬意亦類
於此也 傳匱竭類善 正義曰匱竭俱是盡之義故以匱爲竭類
善釋詁文 箋永長至莊公 正義曰永長釋詁文祭義云大孝
不匱言博施備物當謂天子諸侯行孝不匱也此孝子不匱乘
上朋友之文則亦謂羣臣行孝與彼異也以言羣臣之孝則知永錫
爾類爲長與爾之族類謂轉相教導也各教其類則可以徧及天
下故云謂廣之教導天下近從朝廷而至於天下是其無竭極之時
也所引春秋傳者隱元年左傳文彼言穎考叔之孝延及莊公亦使
孝以證有孝行者能轉相教導也純孝者杜預云純猶篤也謂孝
之篤厚也 其類至祚胤 毛以爲乘上錫王善道故又問而說之天
與王以善道者維是云何乎正謂以此善道施於室家之內以此室

與王以善道者維是云何乎正謂以此善道施於室家之內以此室

家之善廣及於天下此所謂長與之也能使善道之廣如此則君子成王當有萬年之壽天又長與汝之福祚至於胤嗣之子孫言天深祐之使福及後世也 鄭亦乘上問而說之言羣臣以孝行

與其族類者維云何乎使至室家之內皆自先相繼恩親乃後及於天下使皆室家相親是謂與族類也餘同 傳壺廣 正義曰

釋宮云宮中巷謂之壺以宮中巷路之廣故以壺爲廣王肅云其善道施於室家而廣及天下周語單靖公之老送叔向叔向告其老而美單子引此章乃云壺也者廣裕民人之謂也王肅據彼文以述毛傳彼言壺者廣裕民人故以壺爲廣也 箋壺之至天下 正義

曰箋以言室家之壺則壺即是室家之事若言室家之廣則於文不類故易之云壺之言相繼以孝行與族類者室家先以相繼逼而密綴言其相親比之意既能室家相親然後以此相親之道與其族類亦使之室家相親故言乃及於天下也毛據外傳爲說外傳正解此文而箋必易之者箋之此意不違外傳也室家相繼則可以化天下則是廣裕民人也韋昭皆取此箋以解外傳是其不違

矣但不訓壺爲廣與毛異耳

其胤至有僕

毛以爲乘上祚

胤問而說之其言祚及後胤者維是云何乎正謂天覆被汝以福祿使之長保王位錄臨天下言旣得福祿如此君子成王當有萬年之壽天之太命有所附著言常歸於汝傳之子孫也 鄭唯以有爲又餘同 傳僕附 正義曰以僕御必附近於人故以僕爲附傳不訓有爲又故知不與鄭同 其僕至孫子 正義曰乘上景命有僕問而說之言其太命所附之事維是云何乎乃與汝以女而有士行者使與汝爲配耦旣與汝女而有士行者又隨之以生賢智之子孫使之傳世是得天之太命附著也 傳釐予 正義曰釋詁云釐予賜也俱訓爲賜故釐得爲予 箋天之至之妃正義曰自六章至此其文有次因孝子之臣化族類以固王室故先言永錫祚胤爲遠之辭但乘其句末而轉之故云其胤維何不言其祚耳其實七章所言天被爾祿景命有僕即祚也此章云釐爾女士從以孫子是胤也六章舉其目因而分說之鄭以七章言祚故箋云天覆被汝以祿位天之太命又附著於汝指王之身是解祚

箋云天覆被汝以祿位天之命又附著於汝王之身是角不

也以此章言胤故下箋云使生賢智之子孫以隨之謂傳世指其子孫是解胤也但以理得相因故言其胤維何而以祚荅之見其生賢胤乃可以保國祚故其言相起發也下言釐爾女士從以孫子則是女而有士行者也成王之妃書傳無文其子則康王也昭二十六年左傳曰成王靖四方康王息民則康王亦明王也

鳥鷖五章

章六句至樂之

正義曰作鳥鷖詩者言保守成功不使失墜也

致太平之君子成王能執持其盈滿守掌其成功則神祇祖考皆安寧而愛樂之矣故作此詩以歌其事也上篇言太平此篇言守成即守此太平之成功也太師次篇見有此義敘者述其次意故言太平之君子亦乘上篇而為勢也王者之馭天下太平是功之所極物極則反或將喪之成之既難守亦不易故所以美其能守之也執而不釋謂之持主而不失謂之守持是手執之守是身護之盈者如器實滿故言持成者如物積聚故言守持守之義亦相通也故易注云持一不惑曰守是守亦持也神祇以人為王故能守

成則神祇祖考安樂之矣神者天神祇者地神祖者則人神也經
五章毛以爲皆祭宗廟則是祖考耳而兼言神祇者以推心事
神其致一也能事宗廟則亦能事天地因祖考而廣言神祇明其
皆安樂之也安者神意自安即來燕來寧來宜來處來宗是也樂
者謂愛樂主人饗其祭祀降之福祿即來成來爲來下來崇無有
後艱是也其持盈守成言神祇所以得安之意於經無所當也鄭
於神祇祖考經皆有之三章祭天地是神祇也卒章七祀亦神之
別也二章四方百物四章社稷山川於周禮皆地祇也首章宗廟即
祖考也不言鬼而言祖考復其文以足句經序倒者序以天地人
爲尊卑之次以統其小者經以鳥至爲次故不同也毛於首章傳
曰太平則萬物衆多則不以鳥醺鳥所在興祭處也二章傳曰厚
爲孝子則是於祖考也卒章傳曰不敢多祈則是述孝子之
情非尸有尊卑也然則毛以五章皆爲祭宗廟矣鄭以首章祭
宗廟二章祭四方百物三章祭天地四章祭社稷山川卒章祭七
祀皆以首章首一句言正祭次句以下言燕尸宗廟燕尸以祭之明

日其餘皆同曰也如此爲章次者以鳧鷖水鳥居水是常故先言
在涇旣以水爲主然後從下而漸至於高鳥不常處或出水傍故次
在沙而水中高地鳥亦往焉故次在渚水外高地鳥又時往故次
在梁山之絕水鳥往最稀故以爲末因以鳥之所在取其象類爲
喻故不依尊卑之次焉 鳧鷖至來成 毛以爲成王之時天下
太平萬物衆多莫不得所其鳧鷖之鳥在於涇水之中得其處
也旣天下太平成王祭宗廟之神以其明日繹而燕尸此時公尸
之來與王燕也其來心則安寧不以己實臣之故而不安由王誠
心敬之故也其燕之時爾王酒旣清絜矣爾王之般旣馨香矣乃
用之以公尸燕樂而飲之則爲神所悅以此致福祿而來成汝孝
子是爲神所安樂之也 鄭唯上句爲異言鳧鷖鳥在涇水之中以
興公尸在宗廟之內餘同 傳鳧水至衆多 正義曰釋鳥鴈沈
鳧某氏曰詩云弋鳧與鴈郭璞曰似鴨而小長尾背上有文今江
東亦呼爲鴈陸機疏云大小如鴨青色卑脚短喙水鳥之謹愿者也
鴈與鳧俱在涇故知鳧屬蒼頡解詁云鴈鷖也一名水鵞太平則

取之以時不妄天殺故萬物衆多萬物多而獨言鳧者舉鳥之得
所則餘者皆然可知 箋涇水至禮備 正義曰欲言水鳥居中故
云涇水名也以凡喻皆取其象故以水鳥之居水中猶人爲公尸
之在宗廟故以喻焉此謂正祭故云在宗廟若繹祭之禮則郊特
牲注云祊當於廟門之外西室繹又於其堂不專在廟門明在廟
爲正祭也言公尸來燕則是祭後燕尸非祭時也燕尸之禮大夫
謂之賓尸即用其祭之日今有司徹是其事也天子諸侯則謂之
繹以祭之明日春秋宣八年言辛巳有事於太廟壬午猶繹是謂
在明日也此公尸來燕是繹祭之事故云祭祀既畢明日又設禮
而與公尸燕也其尸以卿大夫爲之於王實爲其臣但孝子以父
象事之故其心安不以己實臣之故自嫌由王事之盡敬故不嫌
也若人遇己薄則不敢自安今言尸之安明王禮之備也

鳧鷖鳥至來爲 毛以爲時既太平鳧鷖鳥之鳥在於水傍之沙而
得其所於此之時成王祭其祖考而明日燕尸公尸之來燕也自以
其來爲宜其事不以臣故而自嫌言王事尸之禮備也其燕之時

爾王之酒既多矣爾王之殽既善矣王用之以與公尸燕樂而飲

爾王之酒既多矣爾王之殽既善矣王用之以與公尸燕樂而飲之故致福祿來而厚爲孝子也 鄭以鳧鷖在沙喻祭四方百物即以其日燕尸福祿來助成王以此爲異餘同 傳沙水至其事正義曰上言在涇此云在沙則在涇水之傍沙也故云沙水傍易需卦九二需于沙注云沙接水者亦是水傍矣說文云沙水中散石也水少則沙見故字從水少耳因以爲宜故知宜其事也

箋水鳥至自嫌

正義曰箋以序言神祇祖考其言徧說諸

神則經之所陳盡有之矣非獨祭宗廟而已故以每章各爲一祭而詩之取喻皆以爲象廟中之有神猶涇水之有鳥故以在涇爲喻宗廟今鳥出在水傍猶似神居國外國外之祭唯是四方百物之神矣故云水鳥而居水中爲常今出在水傍喻祭四方百物之尸由四方百物祭在國外故以出水爲喻也大宗伯禋辜祭四方百物言四方則其祭在國之外者各祭其方也言百物則徧祭百種之神也祭在四方其神百種唯蜡祭耳故注云禋禋牲胄也辜磔也禋而磔之謂磔禋及蜡祭也即引郊特牲曰八蜡以記四方年不

順成則八蜡不通以謹民財也又曰蜡之祭也主先嗇而祭司嗇也祭百種以報嗇也是八蜡之祭在四方祭百種也言百種者舉成數耳郊特牲曰蜡也者索也歲十二月合聚萬物而索饗之注云萬物有功加於民者神使爲之故祭以報焉旣言百種又言萬物是其徧祭天下羣神也而謂之八蜡者以蜡者主於爲田報祭其八者於田功尤多故以爲主耳其祭非徒八神而已其神雖衆摠而祭之郊特牲又曰伊耆氏始爲蜡注又云造者配之蓋諸神共立一尸而以伊耆氏配也曾子問云嘗禘郊社尊無二上注云神雖多猶一一而祭之此得摠祭羣神者彼據常法故二祭之蜡之與禘皆有以而然故爲摠祭然蜡以先嗇爲主禘以后稷爲主亦尊無二上也郊特牲說蜡之辭曰土反其宅水歸其壑言蟲無作草木歸其澤注云此蜡祭祝辭也若辭同則同處可知是諸神摠祭之事也郊特牲又曰順成之方其蜡乃通則四方方爲一祭故謂之四方也此箋言祭四方百物之尸謂正祭時也來燕來宜者謂祭未燕尸也上箋宗廟之祭言明日又設禮而與公尸燕此及下

章皆不言明日有事祭義曰周人祭日以朝及闇旣言終日有事明其即燕尸矣春官神士職曰以冬至致天神人鬼以夏至致地祇物魅注云蓋用祭天地之明日旣別有事明其不復燕尸故知燕尸即以其祭之日也天地尚以其日明其餘諸神亦以其日也故箋於此及下章皆不言明日也其心自以爲宜爲宜與來寧意同故云亦不以己實臣之故自嫌也 傳言酒至備美 正義曰鄭於周禮差之唯大事於太廟備五齊三酒毛於此義雖爲宗廟之祭其大事與時祭不明但言品齊多耳未必五齊三酒皆具也穀稱旣嘉可言美而已矣而傳兼言備者見苟可薦者莫不咸在之義箋以此章爲蜡祭則言多者以其神多故也 傳厚爲孝子 正義曰言此福祿之來厚爲孝子而其意亦與箋同以爲助之也但不以爲宗廟之祭不得言孝子故變言成王也 鳧鷖至來下 毛以爲時旣太平鳧鷖之鳥來在水中之渚得其常處於此之時成王祭其宗廟而明日燕尸公尸之來燕也其來似若止得其處其燕之時爾王之酒旣涓然而沛之爾王之

穀維是脯矣王用此酒脯與尸燕樂而飲之爲神所饗食福祿來下而與之 鄭以鳧鷖在渚喻祭天地之神於丘即以其日燕尸爲異餘同 箋水中至其處 正義曰喻取其象水中高地謂之渚渚之高於水猶丘之高於地故云水中之有渚猶平地之有丘喻祭天地之尸也春官大司樂曰冬至於地上之圜丘奏樂六變則天神皆降夏日至於澤中之方丘奏樂八變則地祇皆出是祭天地之神皆在丘也天地之祭唯二至在丘耳其夏至郊天與迎氣四郊及北郊祭地爲壇而祭不於丘也此以渚爲喻唯喻二至之祭其文不及郊也尸爲神象故言尸配至尊上云來寧來宜此言來處義亦同也上言其來心安心安宜據尸意爲說此云似若止得其處謂外人觀之彼言其心此據其貌爲異耳定本云以若止其處集注云似若止得其處集注是也 箋胥酒至而已

正義曰箋以上言酒多穀美今酒言胥變穀言脯明其因文立義故知天地之尸尊事尊者不敢以褻美之味直以所沛之酒及乾脯而已因此示義舉酒脯爲言其實天地之祭更有穀饌也

鳧鷖至來崇 毛以爲時旣太平鳧鷖之鳥在於淥水之會得其常處於此之時成王祭宗廟明日而與尸燕公尸之來燕也其來有尊斝孝子之心旣來與王燕於宗廟則福祿從此尸所而下與王也於時王與公尸燕樂飲酒故致福祿而來重與王也 鄭以爲鳧鷖之鳥在水外之淥喻公尸之居在瘞埋之祭謂祭社稷山川之神至其祭畢而燕尸公尸之來燕也其來有尊主人之意於此天子祭社稷之時羣臣下及衆民盡至而燕飲於其社宗爲福祿所下而與之此時天子用酒斝而與公尸燕樂而飲之故致福祿之來乃重而厚也自天子至於庶人同得社之福祿故言重也 傳淥水會宗尊 正義曰淥音如叢則叢是聚義且字從水衆知是水之會聚之處說文云淥小水入於大水也廟以尊重稱宗廟故宗爲尊也王肅云言尊斝孝子也 箋淥水至之意 正義曰箋以水會亦在水中與在涇無異不宜別文其義旣別則淥非水矣此詩之次從水而次沙次渚則是漸嚮高地此承渚下則亦是地矣渚旣是水中高地淥當是水外之高地淥者地高

之貌水外之地淥然而高蓋涯涘之中復有偏高之處以爲瘞
埋之象喻祭社稷山川釋天云祭地曰瘞埋李巡曰祭地以玉
埋地中曰瘞埋孫炎曰瘞者翳也既祭翳藏地中然則瘞埋
牲者其上以土覆之微高於平地故以淥爲喻也爾雅以祭地爲
瘞埋祭法云瘞埋於秦折祭地也春官司巫凡祭事掌守瘞注
云瘞謂若祭地祇有埋牲王者守之然則瘞埋者唯謂祭地耳此
以瘞埋爲祭社稷山川者上以渚喻丘其文可以兼天地則此非
地之大祇當是地之別神耳大宗伯社稷山川皆在地神之條則
其祭亦埋與祭地同也若然大宗伯云以血祭祭社稷五嶽以
埋沈祭山林川澤注云不言祭地此皆地祇祭地可知也陰祀自血
起貴氣臭也祭山林曰埋川澤曰沈順其性之含藏如彼之注唯
山用埋耳社稷與川似不用埋而此言社稷山川皆瘞埋者鄭志
張逸問曰以血祭祭五嶽以埋沈祭山川不審五嶽亦當埋否荅
曰五嶽尊祭之從血腥始何嫌不埋如鄭此言祭五嶽有埋明社
稷亦埋矣然則川澤曰沈蓋亦沈而復埋何者釋天云祭山曰廋

遂不言里長危亦引以問而鄭荅曰爾雅之文惟此一祭之主不

懸不言埋張逸亦引以問而鄭荅曰爾雅之文雜非一家之注不可盡據以難周禮雖不可盡據而於校人王人之注有廢沈之言是鄭意亦以祭山有廢懸之法鄭雖不解廢懸之義要廢懸似非埋也祭山得廢懸而復埋明祭川亦得沈而復埋故以社稷山川皆言埋也李巡以埋爲埋玉而禮運云瘞繒帛注云埋牲曰瘞則牲玉幣帛皆埋之也孫炎曰旣祭埋之鄭於司巫注云守瘞者以祭禮未畢若有事然祭禮畢則去之矣即是初即埋之非祭畢始埋也社稷山川其神不卑於四方百物云有尊主人之意者尸以主人盡禮故尊重之不以己卑之故尊主人也毛意主以爲宗廟之祭亦言尊敬孝子 傳崇重 正義曰釋詁文 箋旣盡至云然 正義曰以下文云公尸燕飲則此未爲燕訖故以旣爲盡上箋云社稷山川則此章所祭非獨社耳偏以宗爲社宗者以下言公尸燕飲謂王與尸燕則旣燕于宗則非王燕尸矣此非王燕而言盡燕者周悉之辭故知旣燕于宗謂羣臣下及民庶因祭而燕也比在社稷山川之章則羣臣所祭之神亦此等神耳但諸侯

之於山川在其地則祭之非其地則不祭國君尚然則羣臣庶必
不得祭山川矣臣民得與天子同祭者唯社稷耳故知既燕于宗
唯指社宗以社是尊神耳故言社宗猶廟稱宗廟也月令仲春命民
社祭法云大夫以下成羣立社郊特性曰唯為社事單出里是羣臣下
及民庶盡有祭社之禮而燕飲焉臣民所祭不必有尸所云燕飲
因祭而與共祭之人自燕飲耳郊特性曰社者神地之道也又曰
社祭土而主陰氣天子諸侯下及庶民雖廣狹不等俱土神因言
天子祭社其辭遂及於民故文辭重疊異於餘章箋又言天
子以下其社神同故云然是解詩人置辭被及民庶之意也公尸
燕飲文在臣民之下以民得福君又得福故云來重以民之獲福
亦君之福也故於君為重 鳥凡鷖鷖至後艱 毛以為時既太平
鳥凡鷖鷖之鳥在山絕水之疊得其常處於此之時成王祭其宗廟
以明日燕尸公尸之來止於燕坐熏熏然其又和悅而得其宜於
是行旨美之酒欣欣然歡樂薦燔炙之羞芬芬然馨香王用之
以與公尸燕而飲之致其無復有後日之艱難孝子之意不敢多

祈故變文不言福祿以見之鄭以鳧鷖之鳥在於絕水之壘喻公尸之居在於王宗廟之門謂祭七祀之神燕其尸於廟門之外也公尸之來止處自以神卑之故熏熏然坐而不安於是有旨酒欣欣然美燔炙芬芬然香用之以與公尸燕樂而飲之致其無復有在後之艱厄神卑不敢致福止令無艱而已傳壘山至和說正義

曰傳以渚者水中地是土當水之流潦者水會之處是土障水令聚今變文言壘則非復土也故以爲山絕水謂山當水路令水勢斷絕也所云石絕水曰梁亦此之類蓋石是小石此則大山爲異耳以宗廟之尸尊者自得故爲熏熏和悅也箋壘之至之意

正義曰箋以上四章隨類取喻已有天地宗廟社稷山川四方百物諸神略欲盡矣其所未見唯七祀耳而上言鳧鷖所在於祭皆有類唯此山絕水之壘於七祀之祭事無其象則是假取其名以爲其義故云壘之言門燕七祀之尸於門戶之外故取此門名以爲喻焉祭法曰王爲羣姓立七祀曰司命曰中雷曰國門曰國行曰大厲曰戶曰竈是七祀之名也諸侯以下則有差降此言天子之事

故云七也案中雷禮唯祭五祀皆先薦於奧祀戶則設主於戶內祀中雷則設主於牖下此二者在戶內也祀門則設主於門左樞在門內也祀竈則設主於陞祀行則設主於輶上竈在廟門外之東行在廟門外之西此二者在門外也尸主當相依附五祀正祭之時戶與中雷在戶之內門在門之內竈行在門之外司命大厲雖無文亦不過廟門之外內也宗廟正祭在奧繹在門況七祀之祭有本在門外者也明其燕尸皆在門之外矣故云於門戶之外也上四章皆以發首一句喻正祭則此鳧鷖在門亦當喻正祭矣各以尸在門故取疊名爲喻則首句經喻燕事與上不類者以七祀之祭祭非一處而正祭有在門者燕尸又皆在於門故言門亦可

以見正祭也七祀之神神之卑者而來止熏熏文異於上故知其來不敢當王之燕禮故變言來止熏熏是坐不安之意 傳欣欣至多祈 正義曰飲美酒而言欣欣故爲樂謂尸之樂也芬芬是香之氣故爲香謂燔炙香也二事不類者以人飲酒而後知味食炙而後知香指體而言雖爲小異自人而發意亦同也無有後艱守成而

已非神加之福見孝子之意不敢多祈也禮稱祭祀不祈則皆亦
不祈言不敢多者此非孝子口所自祈言神纔令如此見孝子不
敢多祈耳不敢更復望福是所謂能持盈也箋小神至而已
正義曰七祀神之小者故云小神祭法注云小神居人間伺察小過
作譴告者是也月令孟冬臘先祖五祀聚祭之則周之七祀雖四時
別祭於臘亦聚祭之義也此詩所云未必七神並祭作者於後摠言
之耳因其神卑而變其文用美酒有燔炙以其神卑可用褻美
之味神又自以爲卑不敢致福主人但令王自今以去無有後難
而已

毛詩正義卷第三十

計一萬五千二十九字



